

四庫全書

集部

欽定四庫全書

集部

山谷外集詩注卷

四至六

詳校官庶吉士 臣 胡 鈺

檢討 臣 何思鈞覆勘

總校官候補中允 臣 王燕綽

校對官編修 臣 勵守謙

謄錄監生 臣 趙大赤

欽定四庫全書

山谷外集詩注卷四

宋 黃庭堅 撰

史 容 注

次韻奉送公定

謝師厚二子惜字公靜字公定

去年君渡河

公無渡河樂府篇名亦曰登筏引

棗下實離離今年君渡

河刺棗詠幽詩

文選笙歌賦曰棗下纂纂朱實離離幽七月詩八月刺棗

直緣思義

重不憚鞍馬疲

南史衛敬瑜妻詩曰故人思義重不忍復雙飛

詩書半行李道

路費歲時親交歎存亡學問訪闕遺

司馬遷書又不能拾遺補闕故唐有

補闕拾遺之官

我多後時悔君亦見事遲

史記范雎傳云穰侯智士也而見事遲魏

武帝紀袁紹雖有大志而見事遲

即此有真意

淵明詩此中有真意欲辯已忘言

定非

兒女

口漢高祖紀呂公曰此非兒女所知

虛名無用處北斗與南箕

見前

注

燕趙游俠子

文選曹子建樂府云借問誰家子幽并游俠兒郭景純詩京華游俠客

長

安輕薄兒

沈休文詩洛陽繁華子長安輕薄兒後漢書曰李賀勸劉嘉且觀成敗光武聞告鄧禹曰

李孫素謹當是長安輕薄兒謬之耳嘉字孝孫狂掉三寸舌

張良傳良廼稱曰今以三寸舌為帝

者躡登九級墀賈誼傳故陸九級上廉遠地則堂高

覆手雲雨翻

杜詩翻手作雲

覆手兩紛紛
輕薄何須數

立談光陰移
歃血盟父子

左傳陳五父及鄭伯盟歃如忘

注志不在於歃血穀梁齊相衣裳

指天出肝脾

退之作子厚墓

誌云握手出肺肝相示指天日涕泣誓生死不相背負真若可信

從來國器重

韓安國傳惟天

子以為國器

見謂骨相奇

兒寬傳見謂不習事

築巖發夢寐

書云說築傳巖之野

獵渭非熊螭

史記齊太公世家周西伯將出獵卜之曰所獲非龍非彪非虎非羆所獲霸王之輔

注云彪救知反索隱曰餘本亦作螭字

百工改繩墨

孟子大匠不為拙工改廢繩墨一世

擅文詞全人脰肩肩甕盎嫵且宜

莊子德充符篇云聞跂支離無厭說衛靈

公靈公說之而視全人其脰肩肩甕盎大應說齊桓公桓公說之而視全人其脰肩肩注云偏情一性則醜者

更好而好者更醜也山谷詩意謂熙寧用人非賢而謂之賢賢則指為不肖也所謂游俠子輕薄兒蓋言當時新進少年趨時苟合以口舌捷給躡等進用雖歃血而盟自謂披腹而出肝脾其言皆不足信也王介甫素有重名稱為器者其過主得時如起于築巖釣渭而改制立法自炫文詞附己者起遷之語不合意輒擯斥不用所謂悅園段支離齷齪大癭而全視之無疾者乃詆為醜惡也前集神宗挽詞固云築釣收賢輔此詩含譏諷非一過可了

大槐陰黃庭女蘿繇絡之

莊子水中有火乃焚大槐大槐

以喻用事者黃庭經注云黃庭以中得名今本云中庭詩云薦與女蘿施于松柏以喻小人附離而進也

陽兩兄弟還自妬蛾眉工顰又宜笑

楚辭九歌云既含睇兮又宜笑百

輩來茹咨

周頌王釐爾成來咨來茹箋云咨班姬輕鴻謀茹度汝有事當來謀之來度之

毛更合衆口吹

漢成帝班婕妤傳始為少使俄而大幸後趙飛燕姊弟自微賤與寢盛于前譖

告許皇后班婕妤好挾媚道祝詛許后坐廢婕妤好求供養太后長信宮趙皇后傳云召入宮大幸有女弟復召入

后既立後寵少衰而弟絕幸為昭儀居昭陽舍飛燕外傳云后怒以杯抵昭儀裾昭儀泣曰姊志共被苦寒時

耶今幸貴共忍相搏乎此事以喻王呂初為黨而後乖爭班姬以喻當時逐客也按實錄熙寧七年三月王安

石知江寧軍府八年正月秘閣校理王國安追毀出身以來文字放歸田里汀州編管人鄭俠改英州初王安

石將罷相引呂惠卿執政惠卿素與安國有隙因使獄抵安國罪是年二月安石復相自後王呂之交遂絕山

谷時在北京韓非子云齊景公曰去仲尼如吹毛耳乃遺哀公女樂哀公怠于政仲尼之齊引繩痛

排根自注云音痕漢書灌夫傳寶嬰失勢亦蒙蔽枉成

惟惟恐出已上殺之如奕碁

左傳襄二十八年甯子視君不如弈碁

塵埃

百年琴絕絃為鍾期

見前注

落落虎豹文義難管中窺

晉王

獻之傳管中窺豹時見一斑

至今揚子雲不與俗諧嬉歲晚草玄經

覃思寫天維

書序研精覃思退之詩白日座上傾天維脫身天祿閣危于劍

頭炊

晉顧愷之傳桓立與愷之同在殷仲堪坐桓作危語立曰予頭漸米劍頭炊

卧聞策董

賢閉門甘忍饑

拙言載秦韜玉貴公行云卻笑儒生把書卷學得顏回忍飢面

五侯

盛賓客駟轡交橫馳

樓護傳云王氏方盛賓客滿門五侯兄弟爭名其客不得左右文選

阮嗣宗詩走獸交橫馳

時通問字人得酒未曾辭

揚雄贊云為郎與王莽劉歆並

又與董賢同官云云又云王莽時劉歆致豐皆為上公
莽既以符命自立欲絕其原以神前事而豐子尋歆子
棻復獻之莽誅豐父子投棻四裔詞所連及便收不請
時雄校書天祿閣上治獄使者來欲收雄雄從閣上自
投下幾死莽聞之問其故迺棻從雄學作奇字雄
不知情有詔不問問字見前注董賢見倭幸傳

近者

君家翁天與脫羈

羈

莊子馮蹄篇連之以羈羈丁五步
立兩切左傳云韓厥執羈羈云

余雖好姱修以鞿羈兮注羈在口曰鞿革絡頭
曰羈退之祭子厚文云子之中素天脫羈羈

已為冥

冥鴻矰繳尚安施

揚子法言鴻飛冥冥弋人何慕焉高
帝紀戚夫人泣涕上曰為我楚舞吾

為若楚歌歌曰鴻鵠高飛一舉千里羽翼已就橫
絕四海橫絕四海又可奈何雖有矰繳尚安所施

蒼蘭

尋僧園愛竹到水湄北闕免朝請西都分保釐

書畢命
命畢公

保釐東郊律詩中有和
師厚復官分司西京詩

文章九鼎重

史記平原君傳毛
先生一至楚而使

趙重于九

富貴一黍累

漢書律歷志度長短者不失豪
釐量多少者不失圭撮權輕重

鼎大呂

者不失黍累注云豪兔豪也十豪為釐六十黍為主四
圭為撮音倉括反十黍為釐十釐為一銖釐來反亦

音累繼之累沈存中筆談云唐開元錢重二銖四釐
今蜀中亦以十參為一銖參乃古釐字相傳誤耳趙

良請灌園但為商君嗤

史記商君鞅傳趙良見商君曰
君之危若朝露尚欲延年益壽

乎則何不歸十五都灌園于鄢商君弗從五月而秦
孝公卒太子立公子虔之徒告商君反發吏捕商君棄

甲尚文過兒多牛有皮

左宣二年宋城華元為植巡功
城者謳曰睥其目瞞其腹棄甲

而復于思于思棄甲復來使其驂乘謂之曰牛則有皮
犀兕尚多棄甲則那役人曰從其有皮丹漆若何華元

曰去之夫其

口衆我寡 出仕書掣肘

家語云宓子賤為單父宰解去請近史二人與俱二史書

子賤掣其肘書不善則怒之

歸來菊荒籬

淵明歸去來辭云三徑就荒松菊猶存

不為

五斗折自無三徑資

昭明太子作淵明傳云謂親朋曰即欲絃歌以為三徑之資可乎執

事者聞之以為彭澤令歲餘郡遣督郵至縣吏請曰應束帶見之淵明歎曰我豈能為五斗米折腰向鄉里小

兒即日解印綬去職

勝箭洗蹀血

血洗箭見杜詩蹀血字見前漢書

歸鞍懸月支

漢張騫傳匈奴破月氏王以其頭為飲器王摩詰燕支行云歸鞍共飲月支頭文選曹子建詩控弦破左的右

發握月支注云月支射帖也邯鄲淳藝經云馬射左斯邊為月支三枚馬蹄二枚二說疑不能決故並列之斯

人萬戶侯造物付鑪錘

莊子大宗師篇皆在鑪錘之間耳

我觀史臣篇

疏畧記糟醕

史記屈原傳何不鋪其糟而取其醕借其字以言糟粕

譬如官池蛙

誰能問公私

晉惠帝紀帝嘗在華林園聞蝦蟆聲謂左右曰此鳴者為官乎私乎或對曰在官地

為官在私地為私

君懷明月珠簸弄滄海涯

退之詩婆娑海水南簸弄明月珠

深房佩芳蘭固是王所姬

退之詩處子窈窕王所妃苟有令德隱不彫

南貢

尚包橘

包橘見前篇

漢濱莫大隨

左傳漢東之國隨為大

每來促談麈

鹿之大者曰麈羣鹿隨之視麈尾所轉故談者揮之見祖庭事苑

風生庭竹枝翫髀得

家法伊優不能為

漢趙壹傳有秦客者為詩曰文籍雖滿腹不如一囊錢伊優北堂上翫髀

倚門但聽呼擣蒲便足解人頤

漢匡衡傳匡說詩解人頤

功成在漏

刻

漢光武紀王尋王邑圍昆陽城自以為功在漏刻意氣甚逸

穎利處囊錐

文記平原君傳

平原君謂毛遂曰夫賢士之處世也譬若錐之處囊中其末立見今先生處勝之門下三年于此矣左右未有所稱勝未有所聞是先生無所有也毛遂曰臣乃今日請處囊中耳使遂早得處囊中乃脫穎而出非特其末見而已

失勢落坑穽

退之詩失勢一落千丈强

寒窵

如愁鵠

得馬折足

禍淮南子曰近塞上之人有善術者馬無故亡入胡人皆弔之其父曰此何遽不為福乎居數月其馬將胡駿焉而歸人皆賀之其父曰何遽不為禍乎家富馬良其子好騎墮而折其髀人皆弔之其父曰何遽不為福乎居一年胡人入塞丁壯死者十九此獨以跛之故父子相保亡羊多歧悲

列子云楊子之鄰人

亡羊既率其黨又請楊子之豎追之楊子曰嘻亡一羊何追者之衆鄰人曰多歧路既反問獲羊乎乎曰亡之矣

岐路之中又有歧焉吾不知所入所以反也心
都子曰大道以多歧亡羊學者以多方喪生
屢敵因

心計

屢當作慮食貨志桑弘羊以心計

伏兵幾面欺

漢季布傳今喻面諛史記作面欺

長戈仰關來

過秦論云仰關而攻秦

吐款受羈縻

南史苑蔚宗傳與孔熙先謀逆

熙先望風吐款詞氣不撓

萬事只如此畢竟誰成虧

莊子曰有成與虧故昭氏之鼓

琴也無成與虧故昭氏之不鼓琴也自但聽呼擣菰至誰成虧皆言擣菰也按李翱集中有五木經其畧云擣

菰五木玄白判厥二作雉背雉作牛王采四盧曰雉牛

叱采六開塞塔禿擣桌全為王駁為叱又曰設關二馬

出初關疊行非王采不出關不越坑入坑有謫行不擇笑焉外一矢為坑

愛君方寸間醇朴

乃器師

器師疑是吾師

安得擺俗纏東岡並鉏犁由來在陰鶴

不必振羽儀

易中孚之九二鳴鶴在陰其子和之漸之上九鴻漸于陸其羽可用為儀送行

傾車蓋載酒滿鵠夷

漢陳遵傳自用如此不如天高木

葉下

楚辭洞庭波兮木葉下

潦退河流卑屯雲塞六幕

退之詩夏槐作雲屯

前漢禮樂志云紛紜六幕浮大海師古曰六幕猶言六合

新月吐半規

韓詩前夕雖十五月圓未

規人生會面難取醉聽狂癡

杜詩主稱會面難一舉累十鵠取醉見上南火沈昭

畧謂張約曰汝張約耶何乃肥而癡約曰汝沈昭畧耶何乃瘦而狂昭畧大笑曰瘦已勝肥狂又勝癡語

弄發欺笑

退之詩詰屈避語弄

詩鋒犯嘲譏懸知履霜來

易履霜堅冰至

少別為不怡天津媚河漢

爾雅析木謂之津箕斗之間津也注漢津也天津之津梁

關角掛秋霓

關角見錢薛樂道詩題下注

中有鬼與神赤舌弄陰機

太玄云赤舌燒城吐水于餅測曰赤舌吐水君子以解崇也王延壽夢鬼物賦云剗尖鼻踏赤舌退之雷詩詳

詳弄陰機

夜光但十襲出懷即瑕疵

關子云宋之愚不汝瑕疵

去去善逆

旅凍醪約重持山藥倒藤架紅梨帶寒曦坐須騎奴還

淹留歲恐期

騎奴見前注

無為出門念牽衣嬰孺啼

李白詩兒女歡

笑牽短韻願成誦時時寄相思

文選陸士衡文賦或托言于短韻退之祭文投

又魚之短韻唐陸羽傳得南都賦不能讀危坐效羣兒肅嚅若成誦狀韓詩願寄相思字

和謝公定河朔漫成八首

急雨長風溢兩河欣然河伯順風歌行觀東海方存少
不以黃流更自多

直渠殺勢煩才吏

分殺水力穿直渠皆見漢溝洫志

機器爬沙聚水兵

機器謂鐵龍爪濬川杷也爬沙字見退之月蝕詩爬沙脚手鈍誰使汝解緣青冥

河面常從天

上落金隄千里護都城

溝洫志云汝酸棗護金隄

直令南粵還歸帝

漢南越王趙佗傳妄竊帝號此聊以自娛改號不敢為帝

誰謂匈

奴不敢王願見推財多卜式未須算賦似桑羊

卜式傳時漢方

事匈奴式上書願輸家財半助邊上以語丞相弘弘曰此非人情不軌之臣乃罷式歲餘會渾邪等降縣官費

衆倉府空式復持錢三十萬與河南太守食貨志以東郭咸陽孔僅領鹽鐵而桑弘羊貴幸弘羊賈人之子以心計三人言利

事析秋毫矣

萊公廟畧傳耆舊韓令風流在井疆安用鳴鑾增漢壘

不妨羅拜下諸羌

此皆河朔事冠萊公力請真宗幸澶州克敵耆舊談之未已韓忠獻公相

州安陽人熙寧八年歿于相州此蓋八年以後作時教授北京也井疆言其井邑疆畔所在書殊厥井疆

漢時水占十萬頃官寺民居皆濁河

溝洫志成帝時河決于館陶及東郡

凡灌四郡三十二縣水居地十五萬餘頃深者三丈壞敗官亭室廬四萬所又按孝元帝紀敗壞官寺民室注凡府庭所在 豈必九渠亡故道直緣穿鑿用功多

溝洫志是

皆謂之寺

歲河水溢溢敗官亭民舍四萬孫禁以為可決平原金
隄開通大河至海五百餘里又乾三郡水地得美田且
二十餘萬頃許商以為古說九河之名自禹以北
至徒駭相去三百餘里今河雖數徙不離此域

漢庭數遣林牙使羌種來窺鴈塞耕壯士看天思上策

月邊鳴笛為誰橫

林牙契丹翰林學士也見實錄江鄰
義雜志云冀州城南有張耳墓在送

客亭北戎使林牙者由翰林學士出使問知州王仲平
不知張耳何代人大使耶律防謝曰契丹家翰林學士
名目而已

蛛蒙黃畫屏初暗塵澁金門鎖不開六十餘年望瑯輦

赭袍曾是映宮槐

此言澶淵行宮也自景德元年歲甲
辰與契丹通好息兵至熙寧元年戊

申蓋六
十五年

百里棄疆王自直

熙寧七年九月契丹遣使來言代北對境有侵地帝以手詔問故老韓富

文等皆言不可與王荆公再入相曰將欲取之必固與之以筆畫地圖至八年九月分畫地界棄地五百餘里

此詩蓋婉其詞也

萬金捐費物皆春當謂歲幣須令牧馬甘踰幕更

遣彎弓不射人

漢匈奴傳云匈奴蓋北絕幕又云匈奴遠遁南無王庭詩意謂令契丹絕幕北

去不復近塞而引弓之民不相射也杜詩云射人先射馬此反其意

次韻謝公定王世弼贈答二絕句

何用苦吟肝腎愁

退之贈崔立之云勸君韜養待徵招不用雕琢肝腎

但知把

酒更無憂聲名本不關人事看取青門一故侯

曹參傳載卻平

東陵瓜事三輔黃圖長安城東門曰青門昔卻平種瓜青門瓜美云云

酒因咀嚼還知味詩就呻吟不要工王謝風流看二妙

病夫直欲卧牆東

後漢逸民達萌傳與同郡王君公相友善君公遭亂僦牛自隱時久為之

語曰辟世牆東王君公

次韶公定世弼登北都東樓四首

此詩及前後數詩皆北京作

日著闌干角風吹濯澣衣

詩葛覃序云服澣濯之衣

喜同王季哲

文選

謝朓和王主簿怨情一首注云王簿名季哲

更得謝玄暉清興俱不淺

興復不淺

注見前

長吟無用歸月明南北道猶見驛塵飛

杜詩使塵來驛道

真皇多廟勝仁祖用功深

景德元年契丹舉國來侵遂陷德清以犯天雄真宗用寇

準計決策親征既次澶淵兵始接射殺其驍將敵懼請和時諸將皆請以兵會界河上邀其歸以精甲躡其後

殲之敵懼求哀于上上曰契丹幽薊皆吾民也何多以殺為遂詔諸將按兵勿伐縱契丹國歸自是通好守約

三十有九年及元昊叛兵久不決契丹之臣教其主投詞以動我欲得晉高祖所與關南十縣慶厯二年聚重

兵境上遣使聘宰相舉知制誥富弼報聘增幣二十萬而契丹平孫子曰夫未戰而廟筭勝者得勝筭多也退

之書云用功深者其收名也遠

卜宅遷九鼎

史記太史公曰學者皆稱周伐紂居洛邑綜其實不

然武王營之成王使召公卜居居九鼎焉而周復都豐鎬破胡藏萬金

此卷先有河朔漫成八首

其一云萬金捐賫物皆春
蓋指歲幣也藏疑作捐

百年休戰士當日縱前禽欲

斷匈奴臂不如留此心

張騫傳是斷匈奴臂也文選沈休文詩命師誅後服投律緩前

禽注云易曰王用三驅失前禽也王弼注云三驅之禮禽逆來趣已則舍之背已而走則射之愛于來而惡于去也故其所施常失前禽

都城礙飛鳥軍幕卧貔貅

曲禮曰前有鶩獸則載貔貅杜詩大城鐵不如小城萬丈

餘連雲列戰格飛鳥不能踰此所謂礙飛鳥也

紫萁蠶知老

衛國風氓云于嗟鳩分無食桑甚釋

音云萁亦作楷音甚桑實也

黃雲見麥秋接天雙闕起

伏地九河流耆老深望幸鑒輿不好遊

司馬相如封禪書云太山梁父

設壇場望幸元稹連昌宮辭老翁此意深望幸老杜江陵望幸云望幸歟感神相如上林賦乘法駕建華旗鳴玉鸞禮經解云升車則有和鸞之音

注鸞與和皆鈴也杜詩鸞與駐鳳翔

漢皇勤遠畧晚節相千秋

見車千秋傳

不足中原地猶思一

戰收

杜詩乾坤一戰收

聖朝方北顧斜日倚東樓廟筭知無敵

寒儒浪自愁

廟筭見前注

和謝公定征南謠

漢武平南粵分其地為儋耳珠厓南海蒼梧鬱林合浦交趾九

真日南凡九郡置交州刺史以領之唐改交州總管又改安南都護國朝封其主為交趾郡王進南平王神宗時王安石秉政獻言者謂交趾可取乃以蕭注知桂州有獻策平交州者輒火其書沈起

獨言交州小醜無不可取之理安石喜乃罷注以
起知桂州不能懷輯又禁交趾與州縣貿易熙寧
八年交趾入寇陷欽廉二州遂圍邕州城陷太守
蘇緄死之神宗以趙鼎為招討使總九將軍進討
既又以郭達為宣撫使而高副之達至長沙督諸
將進兵復邕州遣將拔永安州溪洞悉降交趾乘
船迎戰達破之賊勢蹙乃乞降凡費錢帛金銀糧
草五百一十九萬貫匹兩石二廣之民大困此其
大畧也李乾德降蓋熙寧十年二月時
山谷猶在北京然此詩未必是此時作

傳聞交州初陸梁

揭雄甘泉賦云飛
蒙茸而走陸梁

東連五溪西氏羌

後漢馬援傳擊武陵五溪蠻夷注云酈元注水經曰武
陵有五溪謂雄溪橫溪西溪漁溪辰溪悉是蠻夷所居
皆槃瓠子孫在今辰州界南史河
南宕昌鄧至武興並為氐羌之地
軍行不斷蠻標盾曾

固集中政要策論南蠻云南蠻于四夷為類最微然動輒一方受其患大中咸通之間安南之變是也宋興嘗設廣捷之兵習標牌之器皆以南蠻之為患也狄武襄平儂智高記云賊執大盾標槍又云賊皆翳大盾翼兩

標謀主皆收漢畔亡合浦譙門腥血沸合浦郡廉州也漢陳勝傳戰譙

門中注樓一名譙門上為樓以望也晉興城下白骨荒晉興郡晉元帝置漢屬鬱林郡隋廢

為宣化縣今邕州也蓋寇陷欽廉邕三州也謀臣異時坐致寇守臣今日愧

苞桑易負且東致寇至又云其亡其亡繫于苞桑已遣戈船下灘水更分樓

船浮豫章漢南粵王傳主爵都尉楊僕為樓船將軍出豫章下橫浦故歸義粵侯二人為戈船下灘

將軍出零陵或瀕水或抵蒼梧頗聞師出三鵠路通典板楯蠻篇云荆郢蠻大擾動劄三鵠

路注云今南陽郡向
城縣北至臨汝縣
盡是中凡六郡良
漢武帝選天水隴西安定北地

上郡西河凡六郡良家子補羽林以
材力為官名將多出焉見地理志
漢南食麥如食玉

戰國策蘇秦曰
使臣食玉炊桂
湖南驅人如驅羊
文選晉紀總論云擾天下如驅羣羊注引

淮南子云兵畧者避
實就虛若驅羣羊
營平請穀三百萬
趙充國封營平侯本傳云金城

湟中穀斛八錢吾謂耿中丞糴三百萬斛羌人不
敢動矣耿中丞請糴百萬斛過得四十萬斛耳
初連

引兵九千里
田廣明為初連將軍事見匈奴傳
少府私錢不可知大農

計歲今餘幾
漢賈捐之傳論桑珠屋云臣竊以往昔羌軍言之暴師曾未一年兵出不踰千里費

四十餘萬大農錢盡又以少府禁錢
續之注云少府主供天子故曰禁錢
土兵番馬隄虎同

蝮蛇毒草篁竹中

漢嚴助傳發兵誅南粵淮南王安上書諫曰粵非有城郭邑里也處谿谷

之間篁竹之中習于水關又云林中多蝮蛇猛獸

未論芻粟捐金費直愁瘴癘

連營空我思荊州李太守欲募蠻夷令自攻至今民歌

尹殺我州郡擇入誠見功張喬祝良不難得誰借前勛

開天聰

後漢南蠻傳順帝永和二年日南象林徼外蠻夷攻象林縣殺長吏交趾刺史發交趾九真二

郡兵萬餘人救之兵士憚遠役反攻其府二郡雖擊破反者而賊勢愈盛歲餘兵穀不繼帝以為憂明年召公卿百官問方畧皆請遣大將發荆揚兗豫四萬人赴之大將軍從事中郎李固駁曰前中郎將尹就討益州諺曰虜來尚可尹來殺我後就召還以兵付刺史張喬喬因其將吏旬日之間破殄冠虜此發將無益之效州郡

可任之驗也宜更選有勇畧仁惠任將帥者以為刺史
太守悉使共住交趾募蠻夷使自相攻故并州刺史長
沙祝良性多勇決又南陽張喬前在益州有破虜之功
皆可任用宜即拜良等便道之守四府悉從固議即拜
祝良為九真太守張喬為交趾刺史喬至開示慰誘並
皆降散良到九真單車入賊中設方畧招以威信降者
數萬人皆為良築起府寺由是嶺外悉平參同契云竭
力勞精神終年無見功張良傳願借前筭而籌之書天
聰詔書哀痛言語切前漢西域贊遂棄輪臺為民一洗

橫尸血摧鋒陷堅賞萬戶

南粵王傳南粵已平伏波將軍益封樓船將軍以摧鋒陷

將堅為塹山堙谷窮三穴

史記蒙恬傳始皇使蒙恬通道自九原抵甘泉塹山堙谷千八

百里春秋後語馮煖謂

孟嘗君曰狡兔有三窟

南平舊時頗臣順欲獻封疆請

旄節廟謨猶計病中原豈知一朝更屠滅天道從來不

爭勝

莊子曰天之道不爭而善勝

功臣好為可喜說交州雞肋安足

貪

後漢楊脩傳脩為曹操主簿操平漢中出教曰雞肋而已外曹莫能曉脩獨曰雞肋食之無所得棄之則可惜

公歸計之心決矣

漢開九郡勞臣監呂嘉不肯佩銀印

漢南粵王趙佗

傳太子興嗣立其母為太后元鼎四年漢使安國少李喻王王太后入朝賜其丞相呂嘉銀印嘉反攻殺太后

王盡殺漢使者元嘉五年路博德為伏波將軍平南粵以其地為九郡

徵側持戈敵百男

後漢馬援傳交趾女子徵側及女弟徵貳反攻沒其郡拜援伏波將軍與賊戰破之斬徵側徵貳詩則百斯男

君不見往年瀕海未郡縣趙佗閉關罷朝獻老翁竊帝

聊自娛白頭抱孫思事漢孝文親遣勞苦書稽首請去

黃屋車得一亡十終不忍太宗之仁千古無趙佗傳高帝十一年

遣陸賈立佗為南粵王與剖符通使高后時有司請禁
粵關市鐵器佗乃自尊號為南粵武帝乘黃屋左纁文
帝元年使陸賈使粵賜佗書云聞王發兵于邊為寇長
沙苦之雖王庸獨利乎必多殺士卒得一亡十朕不忍
為也又云王之號為帝兩帝並立亡一乘之使是爭也
願與王分棄前惡通使如故陸賈至南粵王恐乃頓首
謝願奉詔下今國中去年帝制黃屋左纁因上書云妄竊
帝號聊以自娛又云處粵四十九年于今抱孫焉文帝
廟號太宗漢而粵賢云追懷太宗鎮撫尉佗豈古所謂懷遠以德者哉

和師厚秋半時復官分司西都寶錄熙寧十年詔復都官郎中謝景

初權藩郡通判和
師厚詩皆北京作

遙知得謝分西洛

曲禮大夫七十而致事若不得謝注云謝聽也蓋師厚丐閒故分司西京

無復肯彈冠上塵

漢王吉傳吉字子陽與貢禹為友世稱王陽在位貢禹彈冠

園地

除瓜猶入市

老杜有除架詩又云青門瓜地皆凍裂

水田收秫未全貧

陶潛

傳在縣公田悉令種秫杜詩錦里先生烏角巾園收芋栗未全貧

杜陵白髮垂垂老

一餅

一鉢垂垂老貫休詩也

張翰黃花句句新

張翰字季鷹晉書有傳文選有雜詩一首云暮

春和氣應白日照園林青條若總翠黃花如散金

還與老農爭坐席

莊子寓言其往也

舍者避席賜者避竈其反也舍者與之乎席矣

青松同社賽田神退之賽神絕

穠桑生甚共向田頭樂社神又南溪
始泛云願為同社人鷄豚燕春秋

和師厚郊居示里中諸君

籬邊黃菊關心事

杜詩幽事頗相關

意外青山不世情

羅鄴詩年年點

檢人間事惟有春風不世情施肩吾詩江神也世

江橘

千頭供歲計

三國志李衡種橘千株至臨終敕其子曰吾有千頭木奴可以不貧秋蛙一

江橘

部洗朝醒

兩部鼓吹見前注

歸鴻往燕競時節宿草新墳多友

生

種弓上曾子曰朋友之墓有宿草而不哭焉

身後功名空自重眼前樽酒

未宜輕

晉張翰傳使我有身後名不如即時一盃酒太白詩且樂生前一盃酒何須身後千載名

寄南陽謝外舅

謝公遂偃蹇

後漢蔡邕傳董卓聞邕名高辟之稱疾不就卓大怒曰我力能族人蔡邕遂偃蹇者

不旋踵矣

南陽無舊廬天與解纓紱元非傲當塗

老杜獨酌詩本無軒

晃意不是傲當時

庖丁釋牛刀衆手斫大軋

莊子曰庖丁為文惠君解牛若然嚮

然奏刀騞然莫不中音文惠君曰技蓋至此乎庖丁釋刀對曰臣之所好者道也進乎技矣批大郤導大窾因其固然技經肯綮之未嘗而況大軋乎

白雲曲肱卧青山滿牀書

寒山子詩家中

何所有惟見一牀書妙質落川澤

莊子郢人堊漫其鼻端使匠石斲之宋元君召匠石曰嘗試為

寡人為之匠石曰臣之質死久矣

果然天網疎

老子云天網恢恢

恢疎而故知今人巧未覺古人迂築場歲功休國語云

畢詩云九夜泉鳴竹渠胸懷鬱壘塊世說阮籍胸中壘塊故須酒澆之

此物諒時須此物謂酒先言夜泉鳴竹渠謂糟牀也免能了翁事晉傅咸傳云生

子癡了官事官事未易了了安用府中趨古樂府詩三事正自癡復為快耳此借用

十專城居盈盈公孫能誦翁詩老杜驥子詩云問知乃府步冉冉府中趨

是千里駒漢楚元王傳云德有智畧武帝謂之千里駒人生行樂耳漢楊惲傳其詩

云人生行樂耳須富貴何時用舍要自如我方神其拙社櫟官道櫟

莊子逍遙遊篇云惠子謂莊子曰吾有大樹人謂之樗其大本擁腫而不中繩墨其小枝拳曲而不中規矩立

之塗匠石不顧又人間世云匠石
之齋至乎曲轅見櫟社樹云云
公猶憂斧斤睥睨

樽壺

莊子云百年之木破為犧樽

萬古身後前芭蕉秋雨餘少年喜

狡獪叱化粒成珠

神仙傳王遠字方平過蔡經家麻姑亦至求少許米撒地上視米皆成真

珠方平笑曰姑固年少吾老矣不能作此狡獪變化也

謨功可歌舞

書序臯陶矢厥謨禹成厥

功左傳九功之德皆可歌也又文王之功天下誦而歌舞之

學古則暖姝

莊子徐無鬼篇云有

暖姝者學一先生之言所好果不同未可一理驅眇思則暖姝姝姝而自悅也

忘言對

莊子臣之質死久矣郭象注云非夫不動之質忘言之對則雖至言妙斲無所用之安得

南飛鳧

飛鳧見前注

鄙心生蔓草萌芽望耘鉏

後漢黃憲傳陳蕃周舉曰

時月之間不見黃生則鄙客萌之
離筵如昨日杜詩離

復存乎心左傳蔓草猶不可除
頻春柳見霜枯未辱錦繡段時蒙雙鯉魚文選張平子

人贈我錦繡段古樂府詩云
客從遠方來遺我雙鯉魚
憶昔參凡杖雍容覲規模

引接開藻鑒杜詩持衡
高明通事樞門生五七輩寂寞

半白鬚談經落塵尾晉孫盛傳善言明理時殷浩擅名

塵尾毛悉
落飯中行樂從籃輿晉商潛傳向乘
看行辟彊宅薇

觀竹見前注王獻之傳公嘗經吳郡聞顧辟彊有名園
先不相識乘平肩輿徑入時辟彊方集賓友而獻之遊
歷既畢旁若無人辟彊勃然使驅出門獻之傲如也
閱士黃公壚晉王戎傳戎嘗

過顧謂後車曰吾昔與嵇叔夜阮嗣宗酣暢于此竹林之遊亦預其末自嵇阮云亡吾使為時之所羈紲今日視之雖近雪屋煮茶藥晴簷張畫圖幽寺促燈火青氍毹若山河

置擣蒲遶牀叫一擲十白九雉盧

晉劉毅傳于東府聚擣蒲大擲一判應至

數百萬餘人並黑憤以還惟劉裕反毅在後毅次擲得雉大喜褰衣繞牀叫謂同坐曰非不能盧不事此耳裕惡之因接五木久之曰老兄試為卿答之既而四子俱黑其一子轉躍未定裕厲聲喝之即或盧焉毅意殊不快蔡澤來分功史記蔡澤傳蔡澤謂應侯曰君獨不

耽必上都

晉袁耽傳耽字彥道桓溫少時遊于博徒資產俱盡尚有負進欲求濟于耽而耽在艱試

以告焉耽畧無難色遂變服懷布帽隨溫與債主戲耽素有藝名債者聞之而不相識謂之曰卿當不辦作衣

彥道也遂就局十萬一擲直上百萬耽投馬絕叫探布帽擲地曰竟識表彥道不開旗縱七走

破竹殄羣胡諸葛亮傳注引漢晉春秋曰亮至南中所

既得使觀于營陣之間獲對曰向者不知虛實故敗若祇如此即易勝耳亮笑縱使更戰七縱七禽而亮猶遠獲獲曰公天威也南人不復反矣晉杜預傳預曰今兵威已振譬如破竹數節之間皆迎刃而解詩意蓋以兵喻也成臬燭為明挾長朋佐呼終飲見溫克詩飲酒所

爭匪錙銖禮儒行曰雖分國如錙銖注誰令運甕翁見

謂收豬奴晉陶侃傳諸參佐或以談戲廢事者乃命取

奴戲耳侃在廣州無事輒朝運百甕于齋外暮運于齋內人問其故答曰吾方致力中原過爾優逸恐不堪事

見謂見

前注 事託丈人重乃愛屋上烏

老杜云丈人屋上烏人好烏亦好尚書大

傳曰武王登夏臺以臨殷民周公旦曰臣聞之愛其人者愛其屋上烏憎其人者憎其儲胥韓詩外傳曰武王

至于邢丘天雨三日不休問太公對曰

愛其人及屋上烏惡其人憎其胥餘 舊言如對面形

迹滯舟車

禮舟車所至

風簾想隱几天籟鳴寒梧

隱几天籟見莊子

尚喜讀書否還能把酒無鄴城渺塵沙冠蓋若秋葉

詩

有荷華注曰荷華扶藎也

相過問寒溫

杜詩虛名但蒙寒溫問泛愛不救清壑辱

意氣馳

九衢楚客雖工瑟齊人本好竿

退之答陳商書云齊人好竿

永懷溟

海量北斗不可斟

詩維北有斗不可以挹酒漿韻書云斟挹也

勝夜親筆墨

因來明月珠

肇法師答劉遺民書云君與法師當數有文集因來何少此篇題云奇南陽謝外舅

而後人編類誤雜之南陽詩中其詩云鄴城眇塵沙鄴城謂大名也大名本魏州後唐建鄴都山谷自大名寄

詩南陽也

和外舅夙興三首

寓大雲寺作

瓜蔓已除螻蛄痕猶上牆蓬蒿貪雨露松竹見冰霜卷

幔天垂斗披衣日在房

退之詩惟時月魄死冬日朝在房

無詩歎不遇

千古一潛郎

董仲舒有士不遇賦文選思立賦云尉廩眉而郎潛兮逮三葉而遭武注云漢武故

事顏驥漢文時為郎至武帝輩過郎署見驥廩眉結髮上問曰叟何時為郎答曰文帝為郎文帝時好文而臣

飲定四事全書

山谷外集詩注

平

好武至景帝好美而臣貌醜陛下好少而臣已老
是以三世不過上感其言擢拜會稽都尉是也

風烈僧魚響霜嚴郡角悲短童疲洒掃落葉故紛披水

凍食鮭少

食鮭見前注

變寒浮蟻遲

文選曹子建七啓云盛以翠樽酌以彫觴浮蟻

鼎沸醅烈馨香李善曰釋名云酒有汎齊浮蟻在上汎汎然

朝陽烏鳥樂安穩託禪

枝烏鳥聲樂見前注杜詩禪枝宿衆鳥漂轉暮歸愁孟浩然東寺詩禪枝怖鶴栖

暑逐池蓮盡寒隨塞鴈來

月令孟春仲秋皆曰鴻鴈來而孟春注曰鴈自南方來將

北反其居詩言暑盡當是仲秋也

衣裘雖得暖狐貉正相哀

論語衣敝緼袍與衣

狐貉者立而不恥者

僧汲轆轤曉車鳴闕鎖開不因朝鼓起來帙

亂書堆

杜詩書亂誰能
帙杯乾自可添

和答師厚黃連橋壞大木亦為愁電所碎

溪橋喬木下往歲記經過居人指神社不敢尋斧柯

莊用

子蟠社樹意也晉阮脩伐社樹或止之脩曰若社而為
樹代樹則社移樹而為社代樹則社亡矣左傳文七年
此謗所謂疵焉而
縱尋斧焉者也青陰百尺蔽白日烏鵲取意占作窠

隋五行志童謠云可憐
青雀子作窠猶未成

黃泉浸根雨長葉造物著意固

已多風摧電打掃地盡

太白詩春光掃地盡字本出揚
雄羽獵賦軍驚師駭刮野掃地

師古曰皆盡
無遺餘也

竟莫知為何譴訶

漢薛宣傳云
譴訶及細微

獨山冷落

城東路不見指名終不磨

項羽云非世所指名也韓文吾立子名百世不磨

世弼惠詩求舜泉輒飲以長安酥共泛一盃次韻

戲答

舜泉河北酒名當是北京教授時作

寒零薄飯畱佳客

杜詩一飯未會畱佳客

蠹簡殘編作近鄰

簡編見前

注辟地梁鴻真好學

後漢逸民梁鴻作五噫之歌肅宗聞而非之乃易姓名居齊魯之間

著書楊子未全貧

揚子謂揚雄

玉酥鍊得三危露

見前

石火

燒成一片春

樂天詩石火光中寄此身

沙鼎探湯供卯飲

探湯見論語樂天詩

午茶能破睡

不憂問字絕無人

見揚雄傳

送蛤蜊與李明叔諸公

雲屋吹燈然豆莢

煮豆然豆莢用曹子建語詳見前注

古來壯士亦長飢

廣文不得載酒去且詠太玄庖蛤蜊

退之聯句庖霜鱠主鮓摘庖字

戲贈世弼用前韻

盜跖人肝常自飽

莊子盜跖篇鱠人肝而鋪之

首陽薇蕨向來飢

見史

記伯夷傳

誰能著意知許事且為元長食蛤蜊

南史王融字元長嘗遇沈

昭畧昭畧謂主人曰是何年少融殊不平謂曰僕出于扶桑入于陽谷照耀天下誰云不知而卿此問昭畧曰不知許事且食蛤蜊融曰物以羣分方以類聚君長東隅居然應啗此族

世弼病方家不善論蛤蜊之功戲答

伯樂無傳驥空老

伯樂見前注

重華不見士長飢

淵明傳重華去我久

賢士世相尋

從來萬事乖名實豈但藥翁論蛤蜊

次韻師厚食蟹

海饌糖蟹肥

南史何子季傳侈于味食白魚鮓脯糖蟹使門人議之學生鍾岷曰鮓之就脯

駢于屈伸蟹之將糖蹂擾彌甚

江醪白蟻醇每恨腹未厭

左傳貽二十年願以小

人之腹為君子之心屬厭而已

誇說齒生津三歲在河外霜臍常食新

左傳成十年不食新矣

朝泥看郭索

太玄云蟹之郭索後蚶黃泉林逋詩云草泥行郭索雲木

叫鈞

暮鼎調酸辛

戰國策楚語云黃雀盡遊乎茂樹夕調乎酸辛

趨蹌雖入笑

齊國風云巧蹌蹌兮退之詩點撮簿上字趨蹌閣前鈴

風味極可人憶觀淮南夜

火攻不及晨

借用晉周顗傳阿奴火攻固出下策

橫行葭葦中

雲漢友議曰皮日休

螃蟹詩云海龍王處也橫行

不自貴其身誰憐一網盡

蘇子美監進奏院用市故

絃錢祠神會客以自盜除名所會客皆一時賢俊悉坐貶逐中之者喜曰吾一網盡之矣此借用其字

去河伯民

晏子春秋曰齊景時大旱欲祀靈山及河水晏子曰山以石為身草木為毛髮今不雨毛

髮日焦身且熱山不欲為雨乎河伯以水為國以魚鱉為民後獨不欲雨乎祀之何益君宜避殿暴露公從之

果大

鼎司費萬錢

漢彭宣云三公鼎足承君而鼎司字見于文選勸進表云臣等荷寵三世

位副縣司又陳琳為袁紹檄曹豫州云竊盜
將司傾覆神器晉何曾為太傅日食萬錢

王食羅常

珍

去言云棄常
珍而嗜異饌

吾評揚州貢此物真絕倫

揚雄贊以
為絕倫

次韻謝外舅食驢腸

垂頭畏庖丁

見前

趨死尚能鳴

退之秋懷詩浮生雖多
途趨死惟一軌晉書王

武子好驢鳴世說
王仲宣好驢鳴

說以雕俎樂甘言果非誠

莊子達生
篇祝宗人

臨牢筴說菹曰汝奚惡死吾將三月據汝十日戒三日
齋藉白茅加汝肩尻乎雕俎之上則汝為之乎左傳云

幣重而言
甘誘我也

生無千金轡

老杜後出塞云千金買馬鞍樂
府木蘭歌云南市買轡頭驢安

得有

死得五鼎烹

主父偃傳大丈夫生不
五鼎食死則五鼎烹耳

禍胎無腸胃

枚乘書云福生殺身和椒橙春風都門道貫魚百十并

有基禍生有胎殺身和椒橙春風都門道貫魚百十并

易剝卦貫魚以宮人寵進騎奴吹一吹史記任安傳與騎奴同食莊子則陽

魏志鄧艾傳魚貫而進騎奴吹一吹史記任安傳與騎奴同食莊子則陽

篇吹劍首者吹而已道竟舜駒駿不敢爭文選魏都賦曰冀馬填廊

于戴晉人之前譬猶一吹也駒駿不敢爭文選魏都賦曰冀馬填廊

而駒駿藉白馬賦云于時駒駿物材苟當用左傳隱五年凡物不

充階街兮注云說文曰駒壯也物材苟當用左傳隱五年凡物不

足以講大事其材不足以備器用則何必渥洼生漢書禮樂

君不舉又云取材以章物采謂之物何必渥洼生漢書禮樂

志樂章有元狩三年忽思麒麟植突兀使人驚朝野僉載云唐

馬生渥洼水中作忽思麒麟植突兀使人驚朝野僉載云唐

衢州盈川縣令楊炯恃才簡傲目朝官為麒麟植人問

之曰今假弄麒麟者刻畫頭角修飾皮毛覆之驢上反

脫去皮褐還是驢耳無

德而衣朱紫與此何異

次韻師厚答馬著作作屢贈詩

嘗聞馬南郡

後漢馬融傳為南郡太守

少有拔俗韻

陶詩少無適俗韻性本愛丘山

寒灰幾見溺

韓國安傳安國坐法抵罪蒙獄吏田甲辱安國曰死灰當不復然乎甲曰然即溺之

鍛翮常思奮

文選五君詠詠嵇康云鷹翮有時鍛龍性誰能馴

桐薪鳴竈間

後漢

蔡邕傳吳人有燒桐以爨者邕聞火烈之聲知其良木因請而裁為琴果有美音而其尾猶焦故時人名焦尾

琴劍氣吐吳分

晉張華傳吳之朱減也斗牛之間常有紫氣吳平之後紫氣愈明華問雷煥是

何祥也煥曰寶劍之精上徹于天耳

多言世益嗤

老子多言數窮

當律心自隱

莊子

言而當物則終日言而不盡自隱謂隱度也漢元帝紀自度曲應劭曰自隱度作新曲文選崔子玉座右銘云

隱心而後動謗議庸
何傷註云隱度也

家雖四立壁

見前註

仕要三無愠

論語

三已之
無愠色

會將漁父意往就莊生問

莊子有漁父篇

次韻子瞻與舒堯文禱雪霧豬泉唱和

老農年饑望人腹

莊子無聚祿以望人之腹

想見四溟森雨足

文選張景

陽雜詩雲根臨八極

雨足灑四溟李善曰四溟四海也又詩森森散雨足

林回投壁負嬰兒

莊子林回棄千金之壁負赤子而趨

豈聞烹兒翁不哭未論萬戶無炊烟

蛛絲蝸涎經杼柚

詩杼柚其空

使君閑雪無肉味煮餅青蒿

下鹽菽豈云剪爪宜侵肌

文選應休璉與廣川長書言禱雨不應其畧云昔夏禹之

解陽盱殷湯之禱桑林詞未卒而澤滂沛今者雲積而復散得無割髮宜及膚剪爪宜侵肌乎李善注云呂氏春秋曰湯克夏而大旱五年乃身禱于桑林霜不殺草剪其髮劇其手自以為牲雨乃大至劇音鄺

仍故綠

春秋隕霜不殺草

幽靈燹鼎西山霧

文選西京賦巨靈鼎負高掌遠蹠吳

都賦巨鼉負首冠靈山鼎音備負音虛器切燹字乃詩所謂內燹于中國蓋誤寫耳鼎字又倒寫當改正

牲肥酒香神未瀆

退之南海神碑云牲肥酒香樽爵淨潔

得微往從董父

餐

左昭二十九年蔡墨對魏獻子曰昔有颺叔安有裔子曰董父實甚好龍能求其嗜欲以飲食之龍多歸

之乃畜龍以服事舜

寧當罪繫葛陂淵

漢書費長房傳東海君見葛陂君淫其夫人長房劾

繫之三年東海大旱長房曰東海君有罪吾前繫于葛陂今出之使作雨于是雨立注

卜擇祠官

齊博士

漢武紀其令祠官修山川之祠漢儒林傳五經博士多是齊人舒克文時為教授故云

暴

露致告蒼崖顛請天行澤不汲汲爾亦枯魚過河泣

樂府

古詞云枯魚過河泣何時悔復及作書與魴鱸相教謹出入

生鵝斬頸血未乾

莊子說劍

篇上斬頸領下決肝肺退之詩一夫斬頸羣雛枯

風馬雲車坐相及

漢禮樂志房中歌云

靈之車結玄雲靈之下若風馬

百里旌旗灑玉花

唐舒元興序重雪終日玉花攪空

使

君義動龍蛇蟄

老杜云意鍾老柏青義動脩蛇蟄

老農歡喜有春事呼

兒飯牛理蓑笠

呂氏春秋百里奚未遇時飯牛于秦

博士勿歎從公疲明

年麥飯滑流匙

老杜云嘗稻雪翻匙又云滑意彫胡飯香聞錦帶羹溜匙無暖腹誰欲致盃羹

山谷外集詩注卷四

欽定四庫全書

山谷外集詩注卷五

宋 黃庭堅 撰

史 容 注

薄薄酒二章

并引

蘇密州為趙明叔作薄薄酒二章憤世疾邪其
言甚高以予觀趙君之言近乎知足不辱有馬
少游之餘風故代作二章以終其意

東坡熙寧
七年冬知

密州除夜作半字韻詩山谷和章乃元豐初作此篇當在半字韻詩以後作也

薄酒可與忘憂

晉顧榮傳惟酒可以忘憂

醜婦可與白頭徐行不必

馬馬稱身不必狐裘無禍不必受福

荀子福莫善于無禍

甘餐不

必食肉

文選七發云甘餐毒藥戰國策願燭云晚食以當肉安步以當車

富貴于我如

浮雲

見論語

小者謹訶大戮辱

賈誼傳聞謹何則白冠鵲纓又云被戮辱者不大迫

乎山谷寫本作謹何俗本誤耳

一身畏首復畏尾

左傳畏首畏尾身其餘幾

門多賓

客飽僮僕美物必甚惡

左傳昭二十八年叔向之母曰甚美必有甚惡

厚味生

五兵

國語周語云厚味實腊毒五兵見前注

匹夫懷壁死

左傳匹夫無罪懷壁其罪百

鬼瞰高明

見前注

醜婦千秋萬歲同室萬金良藥不如無

疾

漢灌夫傳吳楚反時夫馳入吳軍身中大創十餘適有萬金良藥故得無死

薄酒一談一

笑勝茶萬里封侯不如還家

太白詩錦城雖云樂不如早還家後漢班超傳當封

侯萬里之外

薄酒終勝飲茶醜婦不是無家醇醪養牛等刀鋸深山

大澤生龍蛇

襄二十一年叔向之母曰深山大澤實生龍蛇彼美余懼其生龍蛇以禍女

秦

時東陵千戶食何如青門五色瓜

見前注

傳呼鼓吹擁部

曲何如春雨一池蛙

傳呼甚寵見蕭望之傳南史孔珪傳云門庭之內草萊不剪中有蛙

鳴或問之曰欲為陳蕃乎答曰我以此當兩部鼓吹王晏嘗鳴鼓吹候之聞蛙鳴曰此殊貽人耳珪曰我聽鼓

吹殆不及此性剛太傅促和藥蕭望之傳天子方倚欲晏甚有慙色以為丞相會望之子伋

上書訟望之前事弘恭石顯建白望之前欲排退許史弄權擅朝幸得不坐深懷怨望教子上書非頗屈望之

于牢獄塞其怏怏心則聖朝亡以施恩厚上曰蕭太傅素剛安肯就吏顯等曰望之所坐語言薄罪必亡所憂

上乃可其奏望之欲自殺其夫人止之以問門下生朱雲雲勸望之自裁望之乃謂雲曰游趣和藥來無久留

我死竟飲何如羊裘釣煙沙後漢嚴光傳光武帝即位光鳩自殺

求之後齊國上言有綺席象牀琬玉枕太白詩龍駒琬男子披羊裘釣澤中

綺食黃重門夜鼓不停過何如一身無四壁滿船明月

金盤

卧蘆花吾聞食人之肉可隨以鞭朴之戮乘人之車可

加以鈇鉞之誅

劉向列女傳老萊子妻云妾聞之可食以酒肉者可隨以鞭華可授以官祿者

可隨以

不如薄酒醉眠牛背上醜婦自能搔背痒

神仙傳王

斧鉞

達字方平過蔡經家麻姑手爪似鳥爪蔡經心中私言若背癢時得此爪以爬背當佳否方平已知其意即使

人牽經鞭之曰吾鞭不可妄得也牛背見前注

戲贈彥深

元注云李厚字彥深厚之弟居南陽

李髯家徒立四壁

李髯見前注漢司馬相如傳家徒立四壁

未嘗一飯能留

客

老杜云一飯未曾留俗客

春寒茅屋交相風

淵明飲酒詩樊廬交悲風荒草沒前庭

倚牆捫風讀書策

晉王猛傳桓溫之闕猛被褐詣之捫虱而言旁若無人曲禮曰先生書策

琴瑟在前坐而遠之戒勿越

老妻甘貧能養姑寧剪髻髮不典書

晉陶

侃傳侃早孤貧為縣吏鄱陽孝廉范達嘗過侃時倉卒無以待賓其母乃截髮得雙髮以易酒肴樂飲極歡杜詩長者來在門荒年自餬口家貧無供給客位但箕帚俄頃羞頗珍寂寥人散後人怪髻髮空吁嗟為之久自陳剪髻鬢鬢市充杯酒大兒得餐不索魚小兒得禪不索襦

晉韓康伯

傳伯數歲母為作襦令捉熨斗而謂之曰且著襦尋當作襖禪伯曰不復須火在斗中而柄尚熱今既著襦下亦當庾郎鮭菜二十七

食鮭二十七種見前注

太常齋日三百餘

後漢周澤傳為太常當卧疾齋宮其妻哀澤老病闕問所苦澤大怒以妻干犯齋禁遂收送詔獄謝罪時人為

之語曰生世不諧作太常妻一歲三百六十日三百五十九日齋一日不齋醉如泥上丁分膳一

飽飯藏神夢許羊蹙蔬

周禮大宗伯以脰膳之禮親兄弟之國左傳天子有事膳焉又

云與執膳食此言釋奠分胙也啟顏錄云有人常食蔬忽食羊肉夢五藏神曰羊踏破菜園

世傳寒

士有食籍一生當飯百甕

詩疆場有瓜是剝是茹新序楚惠王食茹寒而得蛭

茹若今蘆甕也又摘禮記醢醢百甕字以相謔也食籍見第六卷

冥冥主張審如此

子莊

孰主

附郭小圃宜勤鋤

摘蘇秦傳附郭田二頃字

蔥秧青青葵甲綠

早韭晚菘羹糝熟

南史齊周顒隱鍾山文思太子問萊食何味最勝曰春初早韭秋末晚菘

莊子藜羹不糝

充虛解戰賴湯餅

晉束皙餅賦曰玄冬猛寒清晨之會涕凍鼻中霜凝口外

充虛解戰

湯餅為最

莖以麥苗耳

莖是擣韭根

幾日憐槐已著花一心咒笋莫成竹

白樂天食

笋詩且食勿踟

踟南風吹作竹

漢朱

家傳食不重味公孫弘傳汲黯曰弘位在三公奉祿甚多然為布被詐也上問弘弘曰有之臣聞管仲相齊有

三歸侈擬于君桓公以霸晏嬰相景公食不重肉齊國亦治云云弘身食一肉脫粟飯

羣兒笑髯

不若人我獨愛髯無事貧君不見猛虎即人厭麋鹿

易曰

即鹿元虞人還寢皮食其肉

左襄二十一年州綽曰二子者譬于禽獸臣食其肉而寢處其

皮濡需終與豕俱焦

莊子徐無鬼篇有暖妹者有濡需者濡需者豕虱是也擇疏鬣自以

為廣宮大園奎蹄曲隈乳間股腳自以為安室利處不知屠者之一旦鼓臂布草操煙火而已與豕俱焦也

飫肥擇甘果非福蟲蟻無知不足驚橫目之民萬物靈

莊子天地篇夫子無意于橫目之民手書惟人萬物之靈請食熊蹯楚千乘左文元年楚太

子商臣以宮甲圍成王立死山壁漢公卿後漢獻帝紀建安元年車

駕至洛陽是時宮室燒盡百官披荆棘依牆壁間州郡

各擁強兵而委輸不至羣僚飢乏尚書郎以下自出采

稻或飢死牆壁間李髯作人有佳處韓文諱辯云作人得如周公孔子亦

或為兵士所殺李髯作詩有佳句雖無厚祿故人書杜詩厚祿故人書斷絕長

可以止矣李髯作詩有佳句雖無厚祿故人書杜詩厚祿故人書斷絕長

飫稚子門外猶多長者車陳平事見前注我讀楊雄逐貧賦斯

色淒涼門外猶多長者車陳平事見前注我讀楊雄逐貧賦斯

色淒涼門外猶多長者車陳平事見前注我讀楊雄逐貧賦斯

色淒涼門外猶多長者車陳平事見前注我讀楊雄逐貧賦斯

人用意未全疎

逐貧賦見雄傳茲不及注

竹軒詠雪呈外舅謝師厚并調李彥深

此篇至卷終皆自汴

京回至南陽作

破臘春未融

杜詩臘破思端綺

土膏寒不發

國語云自今至于初吉土膏其動

數聲鳴條風

論衡五日一風風不鳴條

一夜洒窓雪

退之詠雪云洒急聽窓知開

軒萬物曉落勢良未歇

退之齒落詩俄然落六七落勢殊未已

鏗鏗青琅

玕閱此歲凜冽

退之詩豈如秋霜雖凜冽

推理頭搶地

司馬遷書見獄吏則頭搶

地干

意氣終自潔

太白詩眼花耳熱後意氣素霓生

君子謂此君全身

斯明哲

詩既明且哲以保其身

屋頭維女貞顏色少澤悅

琅玕此君皆謂

竹以比師厚女貞木名以比李彥深

梢能窺藩籬亦有固窮節

論語君子固窮淵明

詩不賴固窮節百世誰人傳又云深得固窮節

佳興冉冉生門外無車轍

漢書陳平

以席為門然門外多長者車轍

寫之朱絲絃清坐待明月

文選詩直如朱絲絃清如

冰玉壺

賦未見君子憂心靡樂八韻寄李師載

同陞吏部曹往在紀丁未

山谷治平四年登第歲在丁未

別離感寒暑

歲星行十二

歲星十二歲一周天丁未至戊午十二年蓋元豐元年也山谷時在北京

我慚

雞蓋穀

太玄第四卷雞蓋穀注蓋穀進也進食其穀也

子難天且剝

易睽六三其人天且

剝釋文天剝也剝鑿其額曰天

空餘山梁期

山梁見論語

尚不昧初志

會合良艱期繫匏各異縣

繫匏見論語文選云他鄉各異縣展轉不相見

千里

共明月

文選月賦歌曰美人邁兮音塵闊隔千里兮共明月

如披故人面

晉樂廣傳衛瓘

見廣曰此人之水鏡見之瑩然如披雲霧而覩青天

浮雲比高秋此豈心中願霧

重豹成文

古列女傳陶答子治陶三年名譽不聞家富三倍其妻諫曰南山有玄豹霧雨七日而不

下食欲以澤其毛成文章也犬菰不擇食以肥其身坐而須死耳

水清魚自見

古樂府艷歌行

曰語卿且勿眇水清魚自見

齊地穀翔貴

前漢食貨志云穀價翔貴

排門無饗饋

詩洞酌可

二仲

有甘旨奉親亦良勤原田水洗洗

韻書云洗水涌光也

何時稼如

雲無民願歲豐正自不忘君

無民無字誤疑是庶民劉向傳忠臣雖在吠畝猶不

忘君

古人有成言歲暮于吾子

真誥萼綠

華贈羊權詩云

谷

揮郢人鼻

莊子徐無鬼篇郢人堊漫其鼻端若蠅翼使匠石斲之匠石運斤成風聽而斲之盡堊而

鼻不傷郢人立不失容

琴即鍾期耳

見前

新詩凌建安

魏志王粲傳粲卒于

建安二十二年始文帝為五官將及平原侯植皆好文學粲與徐幹偉長陳琳孔璋阮瑀元瑜應瑒德璉劉楨

公幹竝高論到正始晉衛玠傳大將軍鎮豫章長史謝

見友善將軍謂鯤曰昔王輔嗣吐金聲于中朝此子復玉振于

江表微言之緒絕而復續不意永嘉之末復聞正始之音

徒言參隔辰

揚子吾不覩參辰之相比也左傳昭元年子產曰昔高辛氏有二子伯曰閼伯

季曰實沈居于曠林不相能也日尋干戈以相征討后帝不臧遷閼伯于商丘主辰商人是因故辰為商星遷

實沈于大夏主參唐人是因

未負石投水

呂氏春秋精喻篇白公問

于孔子曰人可微言乎孔子不應白公曰若以石投水奚若孔子曰沒人能取之白公曰若以水投水奚若孔

子曰淄澠之合

易牙能知之

白雪非衆聽

文選宋玉答楚王問云客有歌于郢中者其始曰下里巴人國中屬而和者數千人

其為陽阿薤露國中屬而和者數百人其為陽春夜光
白雪屬而和者數十人而已其曲彌高其和彌寡

忌暗投

見前注

古來不識察

文選古詩一心抱區區懼君不識察

浪自生百

憂三月楚國淚

下和事見前注以言夜光之璧

千年郢中樓

以言陽春白雪

無

因杭一葦

詩一葦杭之

濁水拍天流

退之詩海氣昏昏水拍天

河南李茂彥內蘊邁俗心濬冲有涇渭一顧重千金

文選

任彥昇詩濬冲得茂彥注云傳暢曰王戎字濬冲冲為
選官時江夏李重字贊曾汝南李穀字茂彥二人俱處
要職戎以識會待之各得其用彥昇此詩又云伊人有
涇渭非余揚濁清向秀列傳云秀與嵇康呂安為友康
傲世不羈安放逸邁
俗而秀雅好讀書
事親知色難勝已又勇沈

見前注外

物既難必求之首陽岑

莊子外物篇外物不可必故龍
違誅比干戮論語夷齊餓于首

陽之下

飄風從東來雨足盡西靡

說苑上之化下猶風之靡草
東風則草靡而西西風則草

靡而東老杜云雨聲
已先風散足盡西靡

萬物逐波流金石終自止

說苑叢
談云水

浮萬物玉
石留止

渭因涇使濁非以葑故毀

並見
毛詩

智所無奈何

誰能為樗里

史記樗里子傳滑稽多智號曰智
囊秦人諺曰力則任鄙智則樗里

紛紛車馬客如集市人博彼雖有求來我但快一噓

文選

陳孔璋書
必大噓也

忽逢媚學子

退之詩蹉蹉媚學
子牆屏日有徒

時亦撼闕鑰

何當攜手期濠上得魚樂

見前注

次韻張秘校喜雪三首

落月煙沙靜渺然好風吹雪下平田瓊瑤萬里酒增價

桂玉

見前注

一炊人少錢學子已占秋食麥廣文何憾客

無氈

才名四十年坐客寒無氈此杜贈鄭廣文山谷以自況

睡餘強起還詩債臘

裏春初未隔年

巷深朋友稀來往日晏兒童不掃除雪裏正當梅臘盡

民饑可待麥秋無

杜詩梅藥臘前破月令孟夏麥秋至

寒生短棹誰乘興

晉王徽之傳嘗居雪夜初霽月色清朗忽憶戴逵逵時在剡便夜乘小船詣之經宿方至造門不前而反人問

其故徽之曰本乘興而來興盡而反何必見安道耶

光入疎櫺我讀書

宋齊語曰孫康家貧

映雪讀書文選曹子建詩

官冷無人供美酒

杜詩廣文先生官獨

冷何時却得步兵厨

阮籍聞步兵厨人善釀求為步兵校尉

滿城樓觀玉闌干小雪晴時不共寒潤到竹根肥臘筍

杜詩密竹復冬筍

暖開蔬甲助春盤

杜詩自鋤稀菜甲

眼前多事觀游

少

觀游見

曾次無憂酒量寬聞說壓沙梨已動會須鞭

前注

馬躡泥看

退之詩走馬來看立不正

馬躡泥看

次韻寅菴四首

寅菴山谷兄大臨元明也其詩序云雙井樊廬之東得勝地結茅菴

居命曰寅菴喜成四詩寄魯直可見山谷時在北京也

四詩說盡菴前事寄遠如開水墨圖畧有生涯如谷口

楊子法言云谷口鄭子真耕乎巖石之下而名震于京師非無卜肆在成都漢書蜀

平卜筮于成都市旁籬榛栗供賓客滿眼雲山奉燕居禮記仲尼燕居

閒與老農歌帝力帝王世紀帝堯之時天下大和老人擊壤于道觀者歎曰大哉帝之德也

老人曰吾日出而作日入而息鑿井而飲耕田而食帝何力于我哉年豐村落罷追胥周禮

小司徒之職乃會萬民之卒伍而用之以比追胥注追逐寇也胥伺捕盜賊也

兄作新菴接舊居一原風物萃庭隅陸機招隱方傳洛

陸機有招隱詩張翰思歸正在吳晉張翰吳郡吳人齊王問辟為東曹掾見秋風起思吳中

菰菜蓴羹鱸魚遂命駕而歸五斗折腰慚僕妾見陶潛傳幾年合眼夢鄉

問樂天詩春來夢何處合眼到東川白雲行處應垂淚唐狄仁傑授并州法曹參軍親

在河陽仁傑登太行山反顧白雲孤飛謂左右曰吾親舍其下瞻悵久之雲移乃去黃犬歸時早

寄書見前注

大若塘邊擲網魚莊子則陽篇冬則擲于江擲初角切小桃源口帶經

鋤漢兒寬傳帶經而鋤詩催孺子成雞柵老杜有催宗文樹雞柵詩茶約鄰翁

掘芋區

瓜疇芋區見蜀都賦

苦棟狂風寒徹骨黃梅細雨潤如酥

棟風梅雨泣見前注退

此時睡到日三丈

南齊天文志永明五年日

出三竿盧仝詩日高丈五睡正濃杜

牧之詩白頭扶不起三丈日還高自起開闔招酒徒

史記酈食其叱使者曰走復

入言沛公吾高陽酒徒耳

未怪窮山寂寞居此情常與世情疎誰家生計無閒地

大半歸來已白鬚不用看雲眠永日

老杜云看雲莫恨望又云時獨看雲

淚橫

會思臨水寄雙魚

見前注

公私逋負田園薄未至妨

人作樂無

見前注

以同心之言其臭如蘭為韻寄李子先

往日三語掾解道將無同我觀李校書超邁有古風

阮晉

瞻傳見司徒王戎戎問曰聖人貢名教老莊明自然其旨同異瞻曰將無同戎咨嗟良久即命辟之人謂之三語談道屢入微

衛玠傳勝日親友時請一言莫不咨嗟以為入微又云衛玠談道平子絕倒

閑門長蒿蓬

蓬蒿繞宅見前注

誰能賞遠韻太守似安豐

晉庾凱雅

有遠韻王戎傳

進爵安豐侯

流水鳴無意白雲出無心

歸去來辭雲無心以出岫

水得平淡處渺

渺不厭深雲行不能雨還歸碧山岑斯人似雲水廊廟

等山林

文選曹子建詩朝雲不歸山霖雨成川澤前漢贊山林之士往而不能反朝廷之士入而不能

出

俗士得失重舍龜觀朶

易舍爾靈龜觀我朶

六經成市道

僧以為師

史記廉頗傳客曰天下以市道交漢貨殖傳節榷僧漢書吏道以法令為師

吾學

淡如水載行欲安之

莊子君子之交淡如水左傳襄二十四年子產寓書告范宣子曰夫

令名德之與也恕思以明德則令名載而行之揚子法言或問孔子知其道之不用也則載而惡乎之曰之後

世君

惟有無心子白雲相與期

推藏褫冠冕

文選扶風歌抱膝獨推藏易訟卦或錫之擊帶終朝三褫之後漢鄧禹贊褫龍章于

終朝左昭九年
伯父裂冠毀冕
寂寞歸邱園一瓢俱好學
伯仲吹簫璫

正以此易彼

韓文柳子厚墓誌以彼易此孰得孰失

高車擇朱門得失固

有在難為俗人言

司馬遷書云悲夫事未易一二與俗人言也又云此可為知者道難為俗

人言也

攜手力不足七年坐乖離

此詩乃元豐二年歲己未北京解官後作也在北京首尾

跨七年選詩乖離即長衢

愁思不能眠起視夜何其殘月掛破鏡

古樂

府云破鏡飛上天謂月半也

寒星滿天垂明明故人心維斗終不移

見前注

窮閭蒿蔓羶富屋酒肉臭

禮記富潤屋漢霍去病傳重車餘棗梁肉而士有饑色杜

詩朱門酒肉臭路有凍死骨

酒肉令人肥蒿蔓令人瘦欲從鐘鼎食

家語子路曰親蒞之後累茵而坐列鼎而食史記貨殖傳洗削薄技也而郅氏鼎食馬醫淺方張里擊鐘鮑照

詩擊鐘陳鼎食方駕自相求

復恐憂患構秦時千戶侯寂寞種瓜後

蕭何傳邵平者故秦東陵侯秦破為布衣貧種瓜長安城東瓜美故世稱東陵瓜

客從濟南來

李子先及前篇李德叟皆在濟南山谷毋黨也

遺我故人書墨淡

字疎行

杜詩墨淡字歌傾

故人情有餘上言猶健否次問意何

如只今意何有思食故溪魚

古樂府詩云客從遠方來遺我雙鯉魚呼兒烹鯉魚

中有尺素書長跪讀素書書中竟
何如上言加餐食下言長相憶

吾子有嘉德譬如含薰蘭清風不來過歲晚蒿艾間

明淵

飲酒詩云幽蘭生前庭含薰待
清風清風脫然至見別蒿艾中

古來百夫雄白首在澗

槃

詩百夫之特
又考槃在澗

非關自取重

杜詩云非關足無力
又云非關故安排

直為

知人難

書在知人惟
帝其難之

見子瞻餐字韻詩和答三人四返不困而愈崛奇

輒次韻寄彭門三首

據東坡集乃熙寧七年冬除
夜病中贈段屯田時在密州

山谷和章
乃元豐初

公才如洪河灌注天下半

文選吳都賦砥礪乎數州之間灌注乎天下之半風

日未嘗櫻

終上句洪河之義莊子徐無鬼篇故曰風之過河也有損焉請只風

與日相與守河而河以為未始有櫻也

晝夜聖所歎

見論語

名世二十年窮

無歌舞玩入宮又見妬

女無美惡入宮見妬見鄒陽傳

徒友飛鳥散

莊

山水篇孔子問于子桑雎曰吾再逐于魯伐樹于宋削迹于衛窮于商周圍于陳蔡之間吾犯此數患親交益疏徒友益散何歟李陵傳各鳥獸散猶有得脫一飽事難諧

事不諧矣見宋弘傳

五車書

作伴

莊子惠施多方其書五車

風雨暗樓臺雞鳴自昏旦

詩風雨如晦雞鳴不

已雖非錦繡贈欲報青玉案

文選張平子四愁詩美人贈我錦繡段何以報之青

玉案文似離騷經詩窺闕睢亂論語師摯之賤生恨學晚

曾未奉巾盥

內則盥卒授巾

昨蒙雙鯉魚

雙鯉事見前注東坡在彭門答山谷書見

集遠託鄭人緩

莊子列禦寇篇鄭人緩也呻吟襄氏之地三年而緩為儒

風義薄秋

天

謝靈運傳論云高義薄雲天老杜云高義薄會雲

神明還舊貫

法書要錄庾翼與羲之書

云忽見足下答家兄書煥若神明頓還舊貫

更磨薦補墨

後漢孔融上疏薦補衡

推挽

起疲懦忽忽未嗣音微陽歸候炭

漢天文志冬至短極縣土炭孟康曰先冬

至三日縣土炭于衡兩端輕重適均冬至日陽氣至則炭重夏至日陰氣至則土重仁風從東來

拭目望齋館鳥聲日日春柳色弄晴暖漫有酒盈樽何

因見此餐

歸去來辭云攜幼入室有酒盈樽詩今夕何夕見此餐者

人生等尺捶豈耐日取半

莊子篇末云一尺之捶日取其半萬世不竭辯者如此與

惠施相應終身無窮

誰能如秋蟲長夜向壁歎朝四與暮三適為

狙公玩臭腐暫神奇

莊子知北篇臭腐復化為神奇神奇復化為臭腐

啗噫即

飄散我觀萬世中獨立無介伴小黠而大癡

退之送窮文曰子知

我名凡我所為驅使令去小黠大癡

夜氣不及旦

見孟子

低首甘荼養尻脰

登俎案

見前食驢腸詩注

所以終日飲醉眠朱碧

醉眠當是醉眠玉臺

新詠夜愁詩云誰知心眼亂看朱忽成碧

無人明此心忍垢待濯盥仰看東

飛雲只使衣帶緩

文選古詩相去日已遠衣帶日已緩

先生古人學百氏

一以貫見義勇必為少作衰俗懦忠言願回天

唐張玄素傳魏

徵歎曰張公論事有回天之力

不忍數吞炭

豫讓吞炭

還從股肱郡

漢季布傳上曰

河東吾股肱郡故特召君耳

待詔圖書館

東壁二星天子圖書之秘府也東坡為郡仍直史館

投壺得賜金

杜詩能畫毛延壽投壺郭舍人西京雜記郭舍人善投壺每為武帝投壺輒賜金帛

侏儒餘飽暖寧令東方公但索長安粲

東方朔傳上召問朔何恐侏儒

為對曰侏儒飽欲死臣朔飢欲死臣言可用幸異其禮

不可用罷之無令但索長安米惠帝紀曰為鬼薪白粲

注取薪給宗廟為鬼薪坐摯米使正白為白粲郭舍

人及侏儒以此當時附會而進者東方朔比東坡

元龍湖海士毀譽畧相半下牀臥許君上牀自永嘆

魏志

呂布傳陳瑩者字元龍卒後許汜與劉備竝在荊州牧劉表坐與表共論天下人汜曰陳元龍湖海之士豪氣不除備謂表曰許君論是非表曰欲言非此君為善士不宜虛言欲言是元龍名重天下備問汜君言豪○案

此下注文闕

丈夫屬有念人物非所玩坐令結歡客化為煙

霧散武功有大畧亦復寡朋伴詠歌思見之長夜鳴燭

旦東南望彭門官道平如案簡書束縛人一水不能亂

斯文婉拒壘可用圭瓚盟誠求活國醫

按以上諸句注文闕

何忍

棄和緩

晉侯求醫于秦秦使醫和視之文子曰醫及國家乎對曰上醫醫國其次醫人

開疆日

百里

詩曰聞國百里

都內錢朽貫

史記平準書云京師之錢累巨萬貫朽而不可校

銘

功甚俊偉廼見儒生懦且當置是事勿使冰作炭

熙寧五年

收復熙州十年交趾納款銘功當是此等事鹽鐵論冰炭不可以同器淵明詩執若當世上冰炭滿懷抱退之聽穎師琴云穎手爾誠能無以冰炭寘我腸

上帝羣玉府

穆天子傳羣玉之山先王之所謂策

府

道家蓬萊館

後漢書學者稱東觀為老氏藏室道家蓬萊

曲肱夏簟寒炙

背冬屋暖

嵇康絕交書野人有快炙背而美芹子者欲獻之至尊

只令文字垂萬

世星斗粲

再和寄子瞻聞得湖州

天下無相知得一己當半桃僵李為仆

古歌詩曰桃生露井上李樹生

桃旁蟲來蜜桃根李樹代桃僵見藝文類聚

芝焚蕙增難

文選歎逝賦云信松茂而柏悅嗟芝

焚而蕙歎

佳人在江湖照影自娛玩一朝入漢宮掃除備冗

散

漢申屠嘉傳冗官居其中注云冗謂散輩也如今散官

何如終流落長作朝雲

伴

文選高唐賦妾在巫山之陽高丘之岵旦為朝雲暮為行雨

相思欲面論坐起難

五旦身慚尸廩祿有罪未見案

後漢孔融傳丁零盜蘇武牛羊可并案也公

文雄萬夫敵不自亂臧穀皆亡羊

莊子駢拇篇臧與穀二人相與牧羊

而俱亡其羊問臧奚事則挾筴讀書問穀奚事則博塞以遊二人者事業不同其于亡羊均也

要以道

湔鹽傳聲向東南王事不可緩

孟子民事不可緩也

春波下數州

快若七札貫

左傳成十六年鄢陵之戰養由基蹲甲而射之徹七札焉

椎鼓張風帆

相見激哀懦空文不傳心千古付煨炭安得垂天雲

莊子

翼若垂天之雲

飛就吳興館

吳興郡湖州也

魚饜柳絮肥

孔毅甫雜記云永叔稱聖

俞河豚詩云春洲生荻牙春岸飛楊花河豚于是時貴不數魚蝦以謂河豚食柳絮而肥聖俞破題兩句便說盡河豚好處乃永叔褒譽之詞也其實不爾此魚或于二月至柳絮時魚已過矣石林詩語所言畧同

筍

煮溪沙暖解歌使君詞樽前有三粲

國語周語曰三女奔密康公公母曰

必致之王夫粲美物也衆以美物臨而何德以堪之

次韻答堯民

君聞蘇公詩疾讀思過半譬如聞韶耳三月忘味歎

見論

語班孟堅幽通賦云虞韶美而鳳儀兮孔忘味于千載

我詩豈其朋組麗等俳玩

揚子霧縠之組麗女工之蠹矣司馬遷書云文史星歷近乎卜祝之間固主上所戲弄倡優畜之漢書枚臯言

為賦迺俳見視如倡

不聞南風絃

禮記舜作五絃之琴以歌南風

同調廣陵散

嵇

傳康將刑東市索琴彈之曰昔袁孝尼嘗從吾學廣陵吾每新固之廣陵散于今絕矣

鶴鳴九天

上肯作家雞伴

詩鶴鳴于九皋南史王僧虔傳小兒輩賤家雞借用之

晁子但愛

我品藻私月旦

後漢許劭傳劭與凡靖好叢論鄉黨人物每月輒更其品題故汝南有月旦評

馬官閒樂相從梨栗供杯案

淵明責子詩但覓梨與栗前漢貢禹傳見賜杯案盡

文畫金銀飾後漢董卓傳偃轉杯案間

門靜鳥雀嬉花深蜂蝶亂忽蒙加

禮貌齋戒事揖盥問大心更小

杜詩成王功大心轉小此摘其字

意督

詞反緩君材于用多舞選弓矢貫

齊國風舞則選兮射則貫兮

聰明

回自照

傳燈錄靈居義能曰迴光返照看身心是何物

勝己果非懦我如相繪

事素質施朽炭

見論語

古來得道人非獨大庭館

列子黃帝篇退

而閒居大庭之館齋心服形畫寢而夢遊于華胥氏之國

晁子已不疑冬寒春自暖

繫表知藥言擇友得荀粲

魏志荀彧傳注云粲字奉倩諸兄竝儒術論議而粲獨好

言道常以為子貢稱夫子之言性與天道不可得聞然則六籍雖存固聖人之據批案兄侯難曰易亦曰聖人立象以盡意繫辭焉以盡言則微言胡為不可得而聞見哉案曰蓋理之微者非物象之所舉也今稱立象以盡意此非通手意外者也繫辭焉以盡言此非言手繫表者也斯則象外之意繫表之言因蘊而不出矣當時能言者不能屈也

春遊

終日桃李蹊

李廣贊桃李不言下自成蹊

春風不相識

太白詩春風不相識何事

入羅幃

同我二三子承我作意力把酒忘味著看花子春

寂

楞嚴經云香嚴童子白佛言見諸比丘燒沈水香香氣寂然來入鼻中

晴雲散長空曠

蕩無限隔

杜詩是身如浮雲安可限南
北南都賦上平行而曠蕩

身為胡蝶夢

見前

注本自不漁色

禮坊記諸侯
不下漁色

春蟲勸人歸

謂杜鵑

今我誠

是客

淵明詩家為逆旅舍我如當去客文選詩人生天
地間忽如遠行客歎逝賦云託末契于後生余將

老而為客

歸來翻故紙書尾見麟獲

傳燈錄古靈禪師傳其
師在窓下看經蜂子投

窓紙求出師曰世界如許廣闊不肯出鑽他故紙驢年
去此用其字左傳哀十有四年春西狩獲麟注云春秋
絕筆于獲麟之一句文字非我名聊取二三策

樂天詩黃紙除書
非我名孟子武成

取二
三策

次韻感春五首

我與子桑友既往雨彌旬

莊子曰子與子桑友而淋雨十日子與曰子桑殆病矣

飯而往食之

交情未曾改

用漢書翟公書門之語而反其意所謂一死一生乃知交情一貴一

賤交情乃見

天地忽趨新東風無行迹佳氣滿城闌

鮑明遠詩嚴車

臨迴陌延瞰歷城闌

麥苗生陂隴歎息不食陳

麥生陵陂見前注左傳不食新矣今

已及麥故云不食陳

誰能裏飯來定是寂寞人一曲古流水

志在流水

見前注

試拂絃上塵古木少生意輪囷臥河濱慚愧桃與

李相隨見陽春

張侯脫朝衣兒褐多純綠

禮記深衣具父母衣純以青

聞道無米春

煮術學辟穀

神仙傳涓子齊人也好餌術張良傳即導引不食穀注服辟穀藥

官吏但

索錢

退之嗟哉董生行云門外惟有吏日來徵租更索錢

詔書哀惻獨

小雅哿矣富人哀此

惻

東方九尺長不得侏儒祿

東方朔見前注

屋中聲鵠鴈曰

暮攬心曲

退之詩云有時未朝餐得未日已晏隔牆聞誰呼衆口極鵠鴈心曲見前注

窮巷

無桃李緼袍非春服

見論語

我吟白駒詩知君在空谷

初寒不可怨天道自平分

書冬初寒小民亦惟曰怨咨宋玉九辯云皇天平分四時

今切獨悲此凜秋退之詩云皇天平分成四時春風誕謾最可悲

及爾春風來四肢有

餘溫丈夫力如虎

詩簡兮有

為人行灌園

鄒陽書於陵仲子辭三公

為人椒蘭工壅蔽未可怨芳蓀離騷經云余以蘭為可

專佞以慢愒兮椒又欲充夫佩韓又云覽椒蘭其若茲

兮又況揭車與江離注云蘭懷王少弟司馬子蘭也椒

楚大夫子椒也寒魚守窮轍蒙响一沫思莊子泉涸魚相與處

以沫窮轍見一朝被湔被吹毛見癰痕國策汗明說春

後篇枯魚注一朝被湔被吹毛見癰痕申君曰君獨無

湔被僕也文選廣絕交論云剪拂使其長鳴注云與湔

被同吹毛求疵見前漢中山靖王勝傳君面有癰美玉

可以滅癰注云癰

瘡痕也見王莽傳

鳥聲春漸長煙雨春薄暮風光不長妍如客暫時寓芸

芸物爭時老子曰夫物芸芸各復歸其根天地有常度東方朔客難曰

常形君子
有常行

我行覩大河黃流日東驚

退之感二鳥賦
出國門而東驚

然欲乘桴

見論語

莽不見洲渚張侯但飲酒無用恨羈旅

十年富貴子今作一邱土

文選七哀詩昔為萬
乘君今為邱山土

茶如鷹爪拳湯作蟹眼煎時邀草玄客

北苑修貢錄茶
有小芽有中芽

小芽者其小如鷹爪蔡君謨茶錄云候湯最難未熟則
沫浮過熟則茶沈前世謂之蟹眼者過熟湯也揚雄傳
云時雄方草太玄
有以自守泊如也 晴明坐南軒笑談非世故

嵇康書云
世故繁其

慮七不
堪也

獨立萬物先春風引車馬隱隱何闐闐

蜀都賦
車馬雷

駸駸
闐闐

高蓋相摩憂騎奴爭道喧

史記田仁任安傳曰
平陽主家令兩人與

騎奴同席而食漢霍光傳兩家奴爭
道杜詩瑤池氣鬱律羽林相摩戛
吾人撫榮觀燕處

自超然

老子曰雖有榮觀燕處超然

城中百年木有鵲巢其顛鳴鳩

來相宅日暮更謀遷

書洛誥曰召公既相宅詩維鵲有巢維鳩居之

聖東將寓于衛行乞食于齊有可憐之色再次韻

感春五首贈之

溫氣冰底歸忽忽六過旬

易曰過旬災也

園林改柯葉

禮器云如竹箭

之有筠也如松柏之有心也故貫四時而不改柯易葉

鳥聲日日新耕稼百年外

四郊無短閭

曲禮四郊多壘此鄉大夫之辱也

高邱試顧望俯仰迹已

陳蘭亭禊飲序云俛仰之間已為陳迹

信陵松鬱鬱不見曩時人

史記魏公子無

忌封為信陵君大名府即魏也

空懷負暄賞

列子宋國有田夫謂其妻曰負日之暄人莫知者以

獻吾君將有重賞

莫望屬車塵

司馬相如諫獵書云犯屬車之清塵詩意言雖不忘君而無因

自進也

腹中書萬卷沾死溝壑濱

騷經云沾余身而危死兮漢文紀云沾于危亡

注云近邊欲墮之意音簷一音反

投壺與射覆一笑物

皆春

東方朔傳上嘗使諸數家射覆置守宮孟下射之皆不能中朔自贊曰臣嘗受易請射之迺別著布

卦而對曰臣以為龍又無角謂之為蛇又有足跂跂脉脉善緣壁是非守宮即蜥蜴上曰善賜帛十疋復使射

他物連中輒賜帛朔平原厭次人厭次今棣州所治縣也與大名相近神異經曰玉女投壺天為之笑則為雷

種萱欲遣憂叢薄空自綠

嵇康養生論云合歡獨忿萱草忘憂

洗心日三

省

易聖人以此洗心語吾日三省吾身

人亦不我穀

詩此邦之人不我肯穀

誰能書

意下草玄抱幽獨

太白詩誰能書閣下白首玄經抱獨見陶詩

白首官不遷

校書漢天祿

三世不徙官校書天閣閣見雄傳

身當萬戶侯

見此篇上谷注鼓

吹擁部曲解佩著犀渠

吳都賦家有鷁膝戶有犀渠注鷁膝矛也犀渠楯也

張弓

插彫服

周禮司弓仲秋獻天服韓文弓韞服天插房

何時李將軍射獵出上

谷

李廣傳數從射獵文帝曰令當高祖時萬戶侯何足道哉景帝時為上谷太守

春風鳴布穀

爾雅鳴鳩鵲鳩注今布穀也杜詩云布穀處處催春種

天道似勸分

左僖二十一年務穡勸分持饑望路人誰能顏色溫笑憶枯魚說詼

諧老漆園

莊子曰莊周貸粟于監河侯監河侯曰我將得邑金貸子三百金可乎周曰周昨來有中

道而呼者周顧視車軌中有鮒魚焉周問之對曰我東海之波臣君豈有斗升之水而活我哉周曰我且南遊吳越之王激西江之水而迎子可乎鮒魚忿然作色曰吾得斗升之水然活耳君乃言此曾不如索我于枯魚之肆詎諧見東方朔贊漆園見前注

湘纍不得祿哀怨寫荃蓀

楊雄弔屈原文曰因

江潭而注記兮千年澗谷松慚愧雨露恩思為萬乘器

萬乘器見前注

顧掩斧鑿痕

退之詩徒觀斧鑿痕

風雨桃李華佳人來何暮

後漢廉范傳廉叔度來何暮江淹詩日暮碧雲合佳人殊

未安齊果未安寓衛豈所寓庾信集中詠懷詩云寓衛非所寓安齊獨未安按左

傳晉公子重耳出奔及齊齊桓公妻之有馬二十乘公子安之從者以為不可國風式微黎侯寓于衛張

侯室縣磬見前得酒美無度詩彼其之子美無度常憂腐腸死三國

陳思王傳注云丁儀父冲遇諸將飲醉爛

須我嫁阿鵲

腸死文選枚乘七發云命曰腐腸之藥

三國未建平傳初荀攸鍾繇相親善攸先亡子幼繇與人書曰吾與公達曾共使未建平相建平曰荀君雖少

然當以役事付鍾君吾時啁之曰惟當嫁卿阿鵲耳何意戲言遂驗乎今欲嫁阿鵲使得善處雙魚傳

尺素何處迷春渚文選詩客從遠方來遺我雙鯉魚呼童烹鯉魚中有尺素書啼鳥

勸不歸曉鞍逐行旅遙知登樓興信美非吾土王粲登樓賦雖

信美而非吾土兮
曾何足以少留

魯公但食粥百口常憂煎

顏魯公帖云拙于生事舉家
食粥已數月今又罄竭紙益

憂煎患及少
米實濟艱勤

金張席貴寵

張安世傳功臣之世惟有張
氏親近貴顯比于外戚劉向

傳產祿席太后
之寵注席因也

奴隸乘朱

車鮑照詩奕
奕朱軒馳

丈夫例寒餓萬

世無後先風霾天作惡

詩終風且霾義之
傳輒作數日惡

雷亦怒聞聞

俄頃花柳靜煙暖谷鳥喧

司空圖集戴容州云詩家之
景如藍田日暖良玉生煙

人事每如此翻覆不常然

杜萬事反
覆何所無

下流多謗議

司馬
遷答

任安書負下未易
居下流多謗議

高位又疾顛

國語高位實疾
債厚味實腊毒

空餘壯

士志不逐四時遷

選詩賞選
四時移

山谷外集詩注卷五

欽定四庫全書

山谷外集詩注卷六

宋 黃庭堅 撰

史 容 註

次韵蓋郎中率郭郎中休官二首

仕路風波雙白髮，閒曹笑傲兩詩流。故人相見自青眼，

見阮籍傳

新貴即今多黑頭。

晉王珣與謝玄俱為桓溫所重，溫曰：王掾當作黑頭公。杜詩：舊

交新貴，音書絕。熙豐多擢用新進少年。

桃葉柳花明曉市，荻芽蒲笋上春

洲定知聞見休官去

奉天詩放慵長飽睡聞健且聞行又云聞健此時相勸醉偷閒何處

共尋酒戶家園得自由

元註云郭文時御道中野服遇親黨飯頗為分臺御史所訶故

有此句○杜詩送客逢花可自由退之詩我云以病歸此已頗自由唐人以酒量為酒戶樂天詩戶大嫌甜酒

世態已更千變盡心源不受一塵侵

一作險阻難難親得力是非憂患飽

經心四十二章經斷欲去愛識自心源達佛深理

青春白日無公事紫燕黃鸝

俱好音

杜詩隔華黃鸝空好音

付與兒孫知伏臘聽教魚鳥逐飛

沉

南史梁世子方等傳嘗論曰吾不及魚鳥達矣魚鳥飛浮任其志性吾之進退嘗在掌握白樂天詩雙

鳳樓梧魚在藻飛沉隨分各逍遙

黃公廬下曾知味

晉王戎傳戎嘗經黃公酒廬下過顧

謂後車曰吾昔與嵇叔夜阮嗣宗酣暢于此

定是逃禪入少林

杜詩醉中往往愛逃禪傳

燈錄善提達磨居于洛陽寓止嵩山少林寺面壁而坐

次韵郭右曹

閱世行將老斲輪

潘安仁歡逝賦川閱水以成川水滔滔而日度世閱人而為世人冉冉而行暮莊子行年七十而老

斲輪詳見卷子高詩注

那能不朽見仍雲

爾雅晷孫之子為仍

孫仍孫之子為雲孫

歲中日月又除盡

左太冲吳都賦露往霜來日月其除聖處工

夫無半分

退之感春詩惜哉此子巧言語不到聖處年非癡

秋水寒沙魚得計

莊子云子蟻棄智于魚得計

南山濃霧豹成文

見前注

古心自有著鞭

地

退之詩孟生江海士古貌又古心著觀見祖述傳

尺璧分陰未當勤

文子曰聖人不

責尺璧而重寸陰淮南子曰禹之趨時冠帶不顧故曰不責尺璧而重寸陰晉陶侃語人曰大禹聖人乃惜寸

陰至于衆人

當惜分陰

送楊瓘雁門省親二首

從予學易業未成辭歸

執戟老翁年七十人看生理亦無聊草玄事業窺周易

作賦聲名動漢朝

楊雄事見前注本傳無執戟字文選曾子建與楊德祖書云楊子雲先朝

執戟之臣耳註今見遠孫勤翰墨還持遺藁困算瓢

見論

云為郎官執戟

語三年鄉校趨晨鼓

入北京郡庠也

一日邊城聽夜刁

李廣傳不擊刁

斗自謂邊城謂
代州雁門郡也

野飯盈盤厭蔥韭

莊子徐無鬼篇徐無
鬼見武侯武侯曰先

生居山林食芋栗
厭蔥韭以實寡人

春風半道解孤貂

楊子舉世寒貂
狐不亦煖乎

歸

時定倒迎門屣問雁安能學度遼

後漢王符傳度遼將
軍皇甫規解官歸安

定鄉人有以貨得雁門太守者亦去職還家刺謁規
卧不迎既入而問卿前在郡食雁美乎有頃又白王符
在門規素聞符名乃驚遽而起衣不及帶屣履出迎退
之後漢三賢贊云皇甫度遼聞至乃驚衣不及帶屣履
出迎豈若雁
門問雁呼卿

蜀客出衰世

蜀客謂楊子雲蜀
人也而客于京師

獨升鄒魯堂

言其學孔
孟如論語

所言由也升堂
矣未入於室也

蚊虻觀得失

揚子雲蚊虻嚼膚淮南子
云毀譽之于己也猶蚊虻

之一通也子雲
子得失亦然

虎豹擅文章

易章卦九五大人虎變象曰其文炳也上六君子豹

變象曰其

文蔚也

吾子已強學

儒行云夙夜強學以待問

草玄宜不忘江河

須臾澮

書益稷禹曰予決九川距四海濬澮澮距川此言積澮澮而成江河勸其博學

松栢要

冰霜馬策路千里雁門書數行
旨甘君有婦

內則云慈以旨甘玉

台新詠使君自有婦

尺璧愛分光

見前注

次韵答張沙河

知邢州沙河縣

張侯堂堂身八尺

曾子曰堂堂乎張也漢張蒼身長八尺餘

老大無機如漢

陰

莊子曰子貢通漢陰見一丈人方將為國畔鑿隧而入井抱甕而出灌子貢曰有械于此鑿木為机後重

前經挈水若抽其名為樺夫子不欲乎為國者曰吾聞
有機械者必有機事有機事者必有機心吾非不知虛

而不為也杜詩虎門猛摩虎牙取吞噓法言云茅焦雖
辨摩虎牙矣此

語必自歎日月不照臨詩國風云日居
月諸照臨下土策名日已汙軒

冕左傳策名委質
軒冕見前注逃去未必焚山林琴操曰介子推為
龍蛇之歌而隱文

公求之不肯出乃燔木子推抱木而死魏志太祖聞
阮瑀名辟之不應逃入山中太祖使人焚山得之我

評君才甚高妙孤竹截管空桑琴漢律
自大夏之西崑崙

之陰取竹之解谷生其竅厚均者斷而節間而吹之以
為黃鍾之宮周禮曰孤竹之管雲和之琴瑟雲門之舞

又曰孤竹之管空桑之琴瑟咸池之舞杜子美朝享太
廟賦空桑孤竹貴之多李太白明堂賦孤竹代奏空林

和四十未曾成老翁

文選魏文帝與吳質書曰已老成翁但未白頭耳杜詩大夫蓋棺

事始足公今幸未成老翁

紫髯垂頤鬱森森

文帝春秋曰張遼問吳降人向有紫髯將軍是

誰降人答曰是孫會稽

眉宇之間見風雅

文選枚叔七發云陽氣見于眉宇之間浸淫面

上杜詩眉宇真天人陸士衡辨亡論風雅則諸葛瑾張永步騭以聲名光國杜詩詞華傾後輩風雅藹孤鶯

藍田烟霧生球琳

李商隱詩藍田日暖玉生烟司空圖集云詩家之景如藍田日暖良玉生

烟馬貢云厥貢惟球琳璫玕

胸中壘塊正須酒

見前注

東海可攬北斗

斟

詩維北有斗不可以挹酒漿楚辭九歌云援彼酒兮酌桂漿

古人已悲銅雀上不

聞向時清吹音

文選弔魏武帝文曰吾嬈好妓人若銅雀台月朝十五日輒向帳作技文選謝

眺銅雀台詩云鬱鬱西陵樹詎聞歌吹聲鮑明遠行路難云不見柏梁銅雀上寧聞古時清吹音銅雀台在相

州相魏鄰境也

可見大名作百年毀譽付誰定取醉自可結舌瘖

取

見前注晉段灼傳云知

使公繫腰印如斗

晉周顗傳顧

殺諸賊奴取金印如斗大繫肘

四馬高蓋驅駸駸

漢千定國傳少高大門閭令客駟馬高蓋

車詩載駸駸

親朋改觀婢僕敬成都男子寧異今

孟郊詩云親朋改舊

觀僮僕生新敬漢蕭望之傳蕭育杜陵男子何詣曹也

又言屋底甚懸磬

懸磬見前注

兒婚女嫁取千金

後漢向長傳男女娶嫁

古來聖賢多不飽

杜詩自古

聖賢多薄命

誰能獨無父母心

孟子父母之心人皆有之白樂天詩遂令天下父母心不

重生男 重生女 衆雛墜地各有命強為百草憂春霖

佛書云朝生王子一

日墜地便勝凡人傳休奕樂府云男兒當門戶墜地自生神前集書贈俞清老其畧云男女婚嫁渠儂墜地自

有衣食分齊今感眉終日 艾封人子暗目睫與王同牀者正為百草憂春兩耳

悔沾襟 艾封人子見前注史記齊使者至越曰幸也越之亡也吾不貴其智之如目見毫毛而不見

其睫 隴鳥入籠左右啄 文選鸛鵒賦鸛鵒惠而入籠也 隴鳥入籠左右啄 鸛鵒賦命虞人于隴城南方異物

志廣管雷羅等州多鸛鵒但稍小不及 隴山者杜詩隴俗輕鸛鵒原情類鸛鵒 終日思歸碧山

岑 釋詩還岑 一生能幾開口笑 莊子盜跖篇其中開口出寸碧 而笑者一月之中不通

四五日而已矣樂天詩人 何忍更遣百慮侵 易云一致生開口笑百年都幾迴 而百慮杜

詩撫事
煎百慮

忽投雄篇寫逸興仰占乾文動奎參

書斷曰蒼頡仰觀奎

星圖合之勢合而為字孝經援神契云奎主文章詳見和答莘老詩註奎婁胃昂畢觜參參與奎皆西方七星

此云

自陳使酒嘗罵坐

漢書李布使酒難近灌夫罵坐不敬

惜予不與朋盍

簪

易豫九四朋盍簪杜詩盍簪宣榿馬

君才蜀錦三千丈要在刀尺成衣

衾

文選郭泰机詩衣上秉刀尺棄我忽若遺

南朝例有風流癖楚地俗多詞

賦淫

用漢書杜預左傳癖皇甫謐書淫之義言婉惑也漢趙充國等贊曰今之歌謠慷慨風流猶存耳嵇

康琴賦體制風流莫不相襲沈約宋書謝靈運傳論云在下祖習如風之散如水之流風流之意本自如此耳

而江左諸人非獨然也南史謝晦傳時謝混風流為江左第一張融傳云阿風風流頓盡以此推之可見當時

好尚風俗相扇故曰風流癖也詞賦皆祖屈原號為楚辭故曰詞賦淫法言云詞人之賦麗以淫蓋言其文詞

靡麗與此

義不同

屈原離騷豈不好只今漂骨滄江潯屈原作懷沙之

賦于是懷石遂自投汨

羅以死見史記本傳

正令夷甫開三窟

晉王衍傳衍字夷甫雖居

宰輔而為自全之計乃以弟澄為荊州族弟敦為獵以

青州謂曰卿二人在外而吾留此足為三窟矣

我道皆成禽

揚子云獵德而得德前集有詩云安得八紘且以道獵衆智文選張平子思立賦結

典藉以為吾今驪儒

墨以為禽取此意也

溫恭忠厚神所勞

詩豈弟君子神所勞矣

于

魚得計豈厭深

見莊子又云魚鼈不厭深

丈夫身在要勉力

退之詩學問藏

之身身在則有餘

豈有吾子終陸沈

莊子云方且與世違而不屑與之俱是陸沈者也

鄙人相士益多矣

漢高祖紀臣少好相人相人多矣無如李相

勿作蔡澤笑

噤吟

楊雄解嘲云蔡澤雖噤吟而笑唐舉噤音巨錦反吟魚錦反按史記蔡澤傳澤從唐舉相曰吾聞先

生相李兌曰百日之內持國東政有之于唐舉熟視而笑曰先生曷鼻巨肩魍魎顏感鰓膝攀吾聞聖人不相殆乎先生

送張沙河遊齊魯諸邦

張侯去沙河三食鄴下麥

沙河屬邢州鄴今相州也用老杜一別星橋夜三移斗柄

春之筆力望晁董

錯與仲舒

頗遺俗眼白

晉阮籍傳能為青白眼見禮俗之士

以白眼對之

平生學經綸胸中負奇畫未論功活人

後漢長沙太守

張機仲景有飽飯不常得

杜老但使殘年飽喫飯

妻寒尚賓敬

左傳

初曰季使遇冀見冀缺耨其妻饁之敬相待如賓

兒餓猶筆墨側聞共伯城

共城

縣屬魚稻頗宜客又持麀生甌

後漢范丹字史雲閭里歌之曰甌中生麀范史

雲釜中生欲往立四壁

四壁見前注

平生貸米家十輩來簿

責

漢妻敬傳使者十輩來周亞夫傳吏簿責亞夫

囊無孔方兄

晉魯褒錢神論曰親愛如兄字

曰孔

面有在陳色

論語在陳絕糧

守株伺投兔

韓非子曰宋人有耕者田中有

株兔走觸折頸而死因釋耕守株冀復得兔為宋國笑

歲晚將何獲廣道無人行

春風轉沙石栖栖馬如狗

論語微生畝謂孔子曰丘何為是栖栖者與後漢陳蕃傳

陳留朱震字伯厚三府諺曰車如
雞栖馬如狗疾惡如風朱伯厚
去謁東侯伯布衣未

可量蒼髯身八尺魚乾要斗水

得升斗之水然
活矣見前注

士困易

為德

孟子云飢者易為食渴者易為飲史記
平原君傳士方其危苦之時易德耳

譬之舉大

木人借一臂力

呂氏春秋云今之舉大木者善矣豈無鄭
後亦應之此其于舉大木者善矣豈無鄭

衡之音哉然不若此其宜也淮南子曰舉大木者前呼
邪許後亦應之餘同呂覽莊子曰吾終身與汝交一臂

而失之此
摘其字

諸公感意氣

鮑明遠詩意氣
相傾死何有

豈待故相識吾

窮乏祖餞折柳當馬策

左傳文十三年統朝贈之以策
注東馬槌此詩蓋以張沙河往

作游士山谷以詩先為庶幾諸人合
力資之意氣相感不必舊相識也

和張沙河招飲

張侯耕稼不逢年

史記侯幸詩曰力田不如逢年善仕不如遇合

過午未炊兒

女煎

退之詩有時未朝餐得未日已晏隔牆聞譙呼衆口極鵠雁

腹裏雖盈五車讀

杜詩男兒須讀五車書

囊中能幾錢穿

後漢趙壹傳爲詩曰文籍雖滿腹不如一囊錢

杜詩囊空恐羞澁留得一錢看

况聞縕素尚黃葛可怕雪花鋪白

氈

太白北風行云燕山雪花大如席老杜詩糝糝楊花鋪白氈

誰料丹徒布衣得

晉

葛長民傳今日欲爲丹徒布衣豈可得耶

今朝忽有酒如川

左氏昭十二年穆子曰有酒如淮齊

侯曰有酒如池杜詩不有小舟能盪漿百壺那得酒如川一作泉

同堯民游靈源廟廖獻臣置酒用馬陵二字賦詩

二首

靈源廟前木我昔見拱把

外集刪去詩中有會靈源廟下池亭詩云繫馬著柳隄置

酒臨魏城魏即北京也孟子曰拱把之桐梓注云拱合兩手也把以一手把之也

七年身屢到

鬱鬱蔭簷瓦

退之聯句云紅皺曬簷瓦

春風響馬銜

文選海賦云海童遊路馬銜當

踈此借用以言馬口銜勒也

竝轡客蕭灑更願少尹賢置酒意傾寫

齋頭有佳處花柳輕姪姪

樽前集和凝詞云姪姪含情嬌不語

蓮塘想舊

葉相畦識枯苴

莊子曰其土苴以治天下釋文云土苴如萁草也

開關撫洪河

黃流極天馮憶昔武皇來繫壁沉白馬從官親土石襪

負至鰥寡空餘瓠子詩哀怨逼騷雅

漢溝洫志云孝武元光中河決于瓠

子東南注鉅野發卒數萬人塞瓠子決河于是上以用事萬里沙還自臨決河湛白馬玉璧令群臣從官自將

軍以下皆負薪寘決河上既臨河決悼功之不成迺作歌曰瓠子決兮將奈何云云白圭自聖禹

今誰定真假

孟子云白圭曰丹之治水也愈於禹孟子曰子過矣禹之治水云云退之詩古聲火

埋滅無由

晁子發讜言

文選東都賦讜言弘說註美言也音黨漢書叙傳上曰吾久不

見其遺

見班生今日復聞

讜言注善言也

聖功諒難亞排河著地中勢必千里

下移民就寬閒何地不耕稼此論似太高

張釋之傳卑之無甚高論

吾亦茫取舍有器可深川吾未之學也

論語單旅之事未之學也溝洫

志云賈讓奏言治河有上中下策今行上策徙冀州之民當水衝者決黎陽遮害亭放河入海河西薄太山東薄金堤勢不能遠泛濫蒼月自定今瀕河十郡治堤歲費且萬萬及其大決所殘無數如出數年治河之費以業所徙之民且以大漢方制萬里豈其興水爭咫尺之地哉此功一立河定民安千載無患故謂之上策禹貢隨山濬川註謂深其流此語蓋指時事按實錄且參以諸書其大要云元豐元年知制誥熊本分司西京判大名府文彥博放罪初選人李公義請為鐵龍爪內侍黃懷信以為未盡更作濬川杞謂禹所用濬川者也時王安石為相信其說乃置濬川司以都水監丞范子淵制之既而子淵奏功未賞乃言疏導水勢悉歸故道出民田數萬頃朝廷下大名府保奏文彥博言小臣與利誣罔詔本行視坐附會彥博報不以是故謫

洪河壯觀遊

前注

見太府佳友朋春色挽我出東風如

引繩

退之張中丞傳後叙云引繩而絕之其絕必有處

昏昏版築氣

退之詩海氣昏昏水

拍天孟子曰傳說

王事始繁興大堤如連山

退之詩花艷大堤倡

舉于版築之間

小堤如岡陵

詩如岡陵

增卑更培薄

賈讓又云若乃繕完故堤增卑培薄勞費

無已此最下策也

萬杵何登登

詩築之登登

憶昨河失道

前漢溝洫志王橫言

九河之地已為海所漸周普云定王三年河徙則今所行非禹之所穿也

平原魚可罾

漢陳勝傳

罾人所罾魚腹中退之詩有蛟寒可罾

田萊人未復

詩楚莠序云田萊多荒注云田廢生草曰

萊

瘡大國方懲忽念耒耜閒為民保邱塍百縣伐馨出

周禮鼓人以
鼗鼓鼓後事
夜半廢曲肱
論語曲肱而枕之
吾儕愧祿廩游行

事幹乘

游衍見前注

晁子漢公孫新去司馬丞出幹大農部

漢食貨志桑弘羊諸置大農

部丞數十人分部主郡國

才術見嗟稱

鮑明遠白頭吟云周王曰

淪落漢帝
益嗟稱

我坐廣文舍七年讀書燈結髮入場屋

漢李膺傳

廣曰臣結髮而與匈奴戰

肯謂河難憑

論語暴虎馮河

爾來觸事短

韓詩觸事苦難

辦又云觸事得讒謗

癡甚霜前蠅

退之詩癡如遇寒蠅

世味極淡薄

退之詩我老世

味不了人愛憎惟得一卮酒尚能別淄澠

淮南子曰淄澠之水合易

牙嘗而知之列子亦云水經曰淄水出泰山萊蕪縣原山澠水出營邱城東世謂之漢澠水入于時水

所

以對樽俎未曾聞斗升

杜詩仍集問斗升

酌我良已多狂言恐

侵陵

漢蓋寬饒傳許伯入第丞相御史將軍中二千石皆賀寬饒不行許伯請之乃往許伯自酌曰蓋君

後至寬饒曰無多酌我我迺酒狂丞相魏侯笑曰次公醒而狂何必酒也禮記經解倍畔侵凌之敗起矣漢李

廣傳廣三子曰當戶椒敢取男焉與侍中貴人飲侵陵之莫敢應

暮雲吞落日歸鳥求其

朋

小雅伐木云嚶其鳴矣求其友聲

冷官僕馬瘦及門鼓騰騰

杜詩廣文先生

官獨冷退之詩

擎鼓騰騰樹赤旗

八首歌贈晁堯民

往長興堯民論出處之致未竟故終言之。詩苑類格云陳沈

炯為此體秦少游集中與黃魯直簡云李端叔過此斗野詩八音二十八舍歌音和了今錄其副寄

上可見此詩與斗
野亭詩相先後耳

金生寒沙中見別會有時

淵明詠蘭云清風脫然至見別蕭艾中

石上千

年拍

追之詩拍生兩石間萬歲終不大

材高用苦遲

杜詩古來材高難為用

絲亂

猶可理

杜詩待君理絲為君理

心亂不可治竹齋聞履聲

漢鄭崇傳我識

鄭高書

迺是故人來

古詩聞門風動竹疑是故人來

艱苦只多葉水深

難為涉

却國風艱有苦葉濟有深涉深則厲淺則揭

土牀不安席象牀卧煜

煜

戰國策孟嘗君至楚楚獻象牀

草與井同功

井草二卦相連井言不改草言草而當雖若異

而實
同功
守道非關怯

非關見前注左傳守道非如守官

木直常先伐

莊子山木

篇直木先伐甘井先竭子其師知以驚愚修身以明污
昭昭乎如揭日月而行故不免也李白詩直木忌先伐
芬蘭哀 檇標萬世葉 檇標見前注顏延年面水詩序固
自焚 萬葉而為量也柳子厚賀皇太子

檇萬葉固
本葉世也

八音歌贈晁堯民

金荷酌美酒

李適之有酒器九品有慢卷荷金焦葉出
逢原記歐公詩蕭條雨鬢霜後草漱澆十分

金卷荷山谷在夷州作長短句云 夫子莫留殘 庚詩詩
共制金荷其序云以金荷葉酌客 飲酒那

得留 石有補天材 列子天地亦物也物有不足
故女媧鍊五色石以補其缺 虎豹守

九關

楚詞招魂云虎豹
九關詠害下人

絲窠將柳花

退之聯句云
絲窠掃還成 入

戶撲衣冠竹風搖求日思與子盤桓

歸去來辭撫孤松而盤桓

匏瓜

豈無匹

洛神賦數匏瓜之無匹詠牽牛之獨處注云史記曰四星在危南匏瓜牽牛為犧牲其北織女

阮瑀止欲賦曰傷匏瓜之無匹悲織女之獨勤俱有此言然無匹之義未詳其始

自古同心難

易繫詞同心之言其臭如蘭

草急而韋緩

韓非子云西門豹之性急故佩韋以緩已韋乃皮之

未熟者也只在揉化間

揉而九反又音柔見考工記

木桃終報汝藥石理

予顏

衛國風投我以木桃報之以瓊瑤。原闕土字韻一聯按別本自古同心難下一聯云土硬非道器

要居新鼻端始足八音

次韵師厚五月十六日視田悼李彥深

元註云彥深去年五

月十三日與
之遊西郊

南雁傳尺素

尺素見前注

飛來卧龍城

卧龍洲當在南陽謝師厚南陽人今鄧州

也序深亦南陽人同鄉里可見臥龍洲之為南陽也

頗知高臥久忽作田野行

湛陂水滿欣欣原草榮

歸去來辭木欣欣以向榮泉涓涓而始流

日華麗山

川

杜詩遲日江山麗

秀色奪目精

高唐賦煌煌煒煒奪人目精神女賦詳而視之奪人目精

對酒不滿懷攬物有餘清

文選陸士衡詩安寢北堂上明月入我牖照之有餘輝攬

之不足手謝靈運詩密林含餘清

念昔讀書客遠人遺世情南畝道觀

餉西郊留勸耕共遊如昨日笑語絕平生此士今已矣

賓筵無老成

詩賓之初筵左右秩秩退之祭文餼石之餽常空于私室方丈之食每盛于賓筵

猶倚謝安石深心撫瘳惇

以安石比師厚瘳謂無夫也左傳瘳不恤其緯瘳也何辜

已為瘳婦韻書惇憂也

次韵晁補之廖正一贈答詩

按晁无咎集云及第東來將赴調寄李成

季又云復用前韵答明畧并呈魯直按登科記已未元豐二年晁補之廖正一同榜晁字無咎廖字

明畧无咎集中又有建除體詩答魯直教授時教授北京也

晁子抱材耕谷口

見前注

世有高賢踐台斗

杜詩及乎貞觀初尚書踐

斗頃隨計吏西入關

漢朱買臣隨上計吏為卒將重車至長安

關夫數日傳

車還

漢終軍傳初軍從濟南當詣博士步入關關吏予軍
繅曰為復傳軍曰大丈夫西遊終不復傳還退之

詩屈指數日憐嬰孩字本
出左傳行則數日而反

封侯半屬妄校尉射虎猛將

猶行間

李廣傳廣與王朔語曰自漢擊匈奴廣未嘗不
在其中而妄校尉以下材能不及中以軍功取

侯者數十人廣不為後入然終無尺寸功以得封邑何也
廣出獵見草中石以為虎而射之中石没矢視之石也
漢吳王濞傳諸賓客皆得為將校尉行間侯司馬師古
曰在行伍間或為侯或為司馬也濞傳又曰周立者說
王曰臣以無能無因自致青雲上
不待待罪行間

史記范雎傳須賈曰
不意君能自致于青

雲之上謝靈運浪說諸公見嗟賞

張文潛誌元咎之墓
云年十三從王安國

于常州學官安國名重天下一見公大奇之公從皇考
于杭之新城作七述今端明燕公軾通判杭州讀

之實曰吾可以閱筆矣延
擊公如不及由此名藉甚驥伏鹽車不稱情晉詔吊屈原賦曰驥

垂兩耳服

輕裘肥馬鳳凰城

裘馬見論語鳳凰城謂汴京也杜甫送韋二判官餞

鹽車今

爾白頭日永懷丹鳳城趙彥材注指言長安帝城也劉
夢得詩南山宿雨情春入鳳凰城此言長安也建中靖

國初陳無已在館中和謝公定兩行逢賣花云得知春
入鳳凰城可見指帝城矣蓋兩人方賜第歸來也臨安

雖有鳳凰山趙清猷詩云老來重守鳳凰城歸來作詩
然與此不相涉前集詩亦借長安以言汴京

謝同列句與桃李爭春榮

後漢楊修書華若春榮曹子建書煜若春榮穆若清風

十年山林廖居士今隨詔書攜舉子文章宏麗學西京

新有詩聲似侯喜

退之石鼎聯句序云侯喜新有能詩聲

君不見古來良

為知音難絕絃不為時人彈

後漢景丹傳何意二郎良為我來此摘其字絕絃見前注

已喜瓊枝在我側

楚詞折瓊枝以繼佩晉衛玠傳珠玉在側覺我形穢

更恨桂

樹無由攀

淮南小山云桂樹叢生兮山之幽偃蹇連蜷兮枝相統攀援桂枝兮聊淹留

千里

風期初不隔

駱賓王書官守牽纏風期有限杜詩風期終破浪

獨憐形迹滯河

山

陶潛詩情通萬里外形迹滯江山

再次韵呈廖明畧

吾觀三江五湖口

周禮職方氏揚州其川三江其浸五湖江賦注江水注入五湖灌于三江

湯湯誰能議升斗

堯典湯湯洪水方割莊子外物篇鮒魚對曰君豈有升斗之水而活我哉

物誠有之士則然

司馬相如諫獵書曰人誠有之歎亦宜然

晚得廖子喜往

還學如雲夢吞八九

子虛賦吞若雲夢者八九

文若壯士開黃間

李唐

傳自以大黃射其禪將注黃肩弩也黃肩即黃間大黃其大者也

十年呻吟江湖上

莊

雖篇列御寇鄭人也呻吟裴氏之地

青楓白鷗付心賞

選詩心賞猶難恃又云懷人去

心未減北郭漢先生五府交書不到城

元註云漢汝南廖扶按本傳州

郎公府辟召皆不應時人號為北郭先生

相者舉肥驥空老

宋玉九辨云今之相者今舉肥

史記滑稽傳諺曰相馬失之瘦相士失之貧

山中無人桂自榮

楚詞麗桂樹之冬榮淮南

王招隱詞桂樹叢今山之幽

君既不能如鍾世美匪函上書動天子

按美錄元豐元年十一月乙酉太學生鍾世美為試校書郎睦州軍事推官太學正以內舍生上書稱旨故也又按續通鑑長編云或刺世美書印賣上批世美所論有經制四夷等事傳播非便令開封府禁之又按九朝通畧云元豐二年先是太學生宣城鍾世美欲上辟雍圖會得假歸字既還而新學已成因再上書論學校云云又言前二府大臣見于政事其德彌劬而道義足為後學之師者孰若以提舉太學今乃使之退託于山林無用之地良為可惜世美所謂大臣蓋指王安石也其後擢世美為中書習學公事又按黨事始末云建中靖國元年九月乙未詔中書省開具元符三年臣僚姓名正上六人鍾世美為首又云庚子中書省檢會元符三年宣德郎提舉福建路常平鍾世美應詔上書言當復熙寧元豐紹聖政事以銷天變可贈諫議大夫與一子郊社齊郎鍾世美何足言山谷詩蓋戲語也正堪一笑耳而當時用事者之所升黜實係國之興替不可不記

也辟書所記始末皆不記故具列于此按唐武后垂拱三年三月鑄銅為匱置之朝堂以受天下表疏退之詩

匱出朝出

開明光 且向華陰郡下作參軍要令公怒令公喜晉

趙傳桓溫辟為掾時王珣為溫主簿皆為溫所重府中詩曰髯參軍短主簿能令公喜能令公怒趙髯珣短故

也君不見晁家樂府可管絃前集詩云晁子廟中雅歌自注云无咎樂府于今第

一惜無傾城為一彈漢李夫人傳歌曰北方有佳人絕世而獨立一顧傾人城再顧傾人

國從軍補掾百僚底老杜詩有村無命百僚底九關虎豹何由攀見前

注男兒身健事未定且莫著書藏名山杜詩男兒功名遂亦在老大時

又云丈夫蓋棺事始定白樂天詩且到來歲期不知身健否司馬遷書云著書藏之名山傳之其人

走答明畧適堯民來相約奉謁故篇未及之

君不見生不願為牛後寧為雞口

戰國策蘇秦說韓王云鄙語曰寧為雞口

不為牛後今西面交臂而事秦何異于牛後乎

吾聞向來得道人終古不忒如

維斗

考工記則于焉終古登陟也注云終古猶言常也莊子云維斗得之終古之試

希價咸陽

諸少年

史記呂不韋傳不韋著呂氏春秋布咸陽市門爵千金其上有能增損一字者與千金

可

推令往挽令還

異乎汲黯招之不來麾之不去也管子書云推之而往引之而來郭攸去郭吳

人郭曰郭侯挽不去謝令推不去

俗學風波能自拔

莊子云俗學以求復其初

我識

廖侯眉宇間

唐元稹秀傳見紫芝眉宇使人名利之心都盡莊子云老子謂南榮趯曰吾見汝眉

暇之間吾因
以得汝矣

省庭無人與爭長

左傳隱十一年滕侯薛侯來朝爭長杜詩陳留

阮瑀誰
幸長

主司得之如受賞

太白送人赴選詩云夫子有盛材主司得珠琳蕭何傳進

賢受
上賞

東家一笑市盡傾畧無下蔡與陽城

文選余玉賦登徒子云臣

聖之美者莫若臣東家之子嫣然一笑惑陽城迷下蔡傾城見前注漢司馬相如傳一生盡傾阮嗣宗永懷詩

傾城迷
下蔡

生珠之水砂礫潤生玉之山草木榮

荀子曰玉在山而木

潤淵生珠而岸不枯陸機文賦云石韞玉而山輝水懷珠而川媚

觀君詞章亦如此諒

知躬行有如子

論語躬行君子則吾未之有得

更約探囊閱舊文

莊子云能

囊探
囊

蛛絲燈花助我喜

西京雜記蜘蛛集而百事喜杜詩燈花何太喜退之燈花詩更

烟將喜事來報主人翁盧仝詩一賢樂堂前竹影斑好

鳥自語莫令彈

退之竹迥詩無塵從不掃有鳥莫令彈

北鄰著作相勞苦

漢張耳傳勞苦如平生歡整駕謁子遠同攀

漢王式傳歌驪駒注云逸詩篇名客欲去歌之

其詞曰驪駒在路僕夫整駕

應煩下榻煮茶藥

文選沉休文詩有至下座榻王勃滕王閣

序云徐擇下陳蕃之榻事見後漢徐擇傳

坐待月輪銜屋山

退之詩每騎屋山下窺瞰

答明畧并寄无咎

可以忘憂惟有酒

漢東方朔傳銷憂者莫如酒晉顧榮傳嘗縱酒酣暢曰惟酒可以忘憂但

無如作清聖濁賢皆可口

三國徐邈傳平時醉客謂酒清者為聖人濁者為賢人莊

病何耳

子云其猶桂漿橘柚耶得日過君飲不多明日解醒無其味相反而皆可于口

五斗

晉劉伶傳一飲一石五斗解醒

古木清蔭丹井欄

太白詩綠緯秋啼金井欄

夜

來涼月屋頭還論文撥置形骸外

淵明詩撥置且莫念一觴聊可揮莊子云

申屠嘉兀者也而與鄒子產同師于伯昏無人申屠嘉

曰今子與我遊于形骸之內而子索我于形骸之外不

亦過乎杜詩相從歌

得意相忘樽俎間冰壺不可與夏

萬事盡付形骸外

蟲饗

莊子秋水篇夏蟲不可與語于冰者爲于時也

秋月不可與俗士賞已得

樽前兩友生更思一士濟陽城雖無四至九卿之規畫

汲黯傳黯妙子司馬安善宦四至九卿

猶有千秋萬歲之真榮

淵明挽詩千秋萬歲

後誰知帶典辱杜詩千
秋萬歲名寂寞身後事

空名未食太倉米

史記平準書
太倉之粟陳

陳

今作斑衣老萊子

斑衣見
前注

卿家嗣宗望爾來不獨我

聞足音喜

晉阮籍字嗣宗以況堯民堯民蓋無答諸父
行如嗣宗之于阮咸也故其詩云已得樽前

兩友生更思一士濟陽城兩生謂堯民明略而無咎時
在濟州濟州其所居也號濟陽郡足音足然見前注

西風索寞葉初乾

退之秋懷詩霜風侵
梧桐衆葉著樹乾

長鋏歸來亦罷

彈

史記孟嘗君傳馮驩彈其劍
而歌曰長鋏歸來乎食無魚

窮巷蓬蒿深一尺

王褒
賢臣

頌生千窮巷之中長于蓬
茨之下蓬蒿繞宅見前注

朱門廉陛高難攀

賈誼傳故
陸九級上

廉遠地則堂高陸亡
級廉近地則堂卑

吾儕相逢置是事百世之下仰高

山詩云高山仰止李白贈孟浩然
詩高山安可仰徒此揖清芬

再次韵呈明畧并寄元咎

夏雲凉生土囊口

陶潛詩夏雲多奇峯余玉
風賦盛怒于土囊之口

周鼎湯盤

見科斗

禮記有湯之盤銘衡孔悝之鼎銘左傳有正考
父鼎銘尚書序云皆科斗文字韓詩字青石赤

形摹奇科斗
拳身薤葉垂

清風古氣滿眼前乃是戶曹報章還只今

書生無此語已在貞元元和間

韓愈贊貞元元和間愈
遂以六經之文為諸愈

倡真宗謂王旦曰楊億
文章有貞元元和風格

一夫鄂鄂獨無望千夫唯唯皆

論賞

商鞅傳趙良曰斗羊之皮不如一狐之腋千人之
諾諾不如一士之諤諤趙世家簡子曰吾聞千羊

之皮不如一狐之腋諸大夫朝徒聞
唯唯不聞周舍之鄂鄂是以憂也
野人泣血漫相明

和氏之璧無連城

和氏之璧見前注連城見蘭相如傳
魏文帝與鍾大理書不損連城之價

韓詩自許參軍拄笏看雲氣

晉王徽之傳為車騎桓冲
騎兵參軍冲謂曰卿在府

日久比當相料理徽之高視以手
板拄頰云西山朝來致有爽氣耳此中安知枯與榮我

夢浮天波萬里

木華海賦
浮天無岸

扁舟去作鷗夷子

史記范蠡
浮海自謂

鷗夷子皮兩土風流對酒樽四無人聲鳥語喜

退之詩霜操
云四無人聲

誰與夢回擾擾仍世間心如傷弓怯虛彈

戰國策曰有
厲從東方來

更羸虛發而雁下魏王曰射可至此乎更羸曰其飛徐
其鳴悲飛徐者故瘡痛也鳴悲者失群也故聞絃音而

下
不堪市井逐乾沒乾沒見張湯傳且願朋舊相追攀寄聲小

掾駕行李落日東面空雲山

趙廣漢傳云亭長寄聲謝我鮑照詩願爾駕行李

再答明畧二首

挾策讀書計糊口

莊子問臧奚事則挾策讀書左傳使闕其口于四方

故人南簷

與北斗

詩維南有箕維北有斗言離別

江南江北萬重山

文選謝靈運詩江南倦歷

覽江北曉月旋

千里寄書聲不還當時朱絃寫心曲果在高山

深水間

禮記清廟之瑟朱弦而疏越文選詩直如朱絲絃國風亂我心曲高山流水見前注枯桐

滿腹生蛛網

白樂天詩書牀鳴蟋蟀琴匣網蜘蛛

忍向時人覓清賞

山谷律詩

有云忽向時人覓賞音

廖侯文字得我驚五嶽縱橫守嚴城

李白詩氣

酹落筆搖五嶽皮日

休詩五嶽為詞鋒

萬夫之下不稱屈

蕭何傳夫能屈于一人之下而

信于萬乘之上此惜使其字

白樂天詩暫留書殿多稱屈

定知名滿四海非真榮富于

春秋已如此

趙高說秦二世曰陛下富于春秋曹參傳悼惠王富于春秋高五王傳皇帝春秋富

他日卜鄰長兒子

杜詩王翰願卜鄰

一邱各自有林泉扶將白

頭親燕喜

扶將見前注詩稱燕喜者再山谷所引燕喜頌所謂魯侯燕喜令妻壽母也

秋

風日暮衣裳單

樂天詩如何為不念馬瘦衣裳單

深巷落葉已如彈數

來會面復能幾六龍去人不可攀

文選郭景純遊仙詩六龍安可頓遲流有

代謝注曰六龍日駕也李善曰楚詞云貫鴻濛以東竭
今維六龍于扶桑王逸曰結轡于扶桑以留日曾子建
與吳季重書云思抑六龍之首捐羲和之
李太白短歌行吾欲攬六龍回車掛扶桑
短歌溷公更

一和聊乞淮南作小山

楚詞有劉安招隱士一首王逸注云淮南小山之所作也

廖侯言如不出口

禮檀弓云趙文子其中退然如不勝衣其言呐呐然如不出謂其口漢張

釋之曰辭侯東陽侯此兩人言事曾不能出口

銓量古今膽如斗

莊子銓才諷說之士音義

云銓七全切銓量人也

度越崔張與二班

崔張謂崔瑗張衡二班謂

彪與固也楊雄贊云則必度越諸子矣

古風蕭蕭筆追還前日辭家來射

策

退之短策歌太學儒生東魯客二十辭家來射策

聲名藉甚諸公間

陸贄傳聲名藉

甚晁錯傳後郭公
其子章顯諸公間
華陰白雲鎖千嶂勝日一談誰能賞

晉衛玠傳遇有勝日親友時
請一言無不咨嗟以為入微
君不見曩時子產識然明

左傳襄二十五年晉程鄭卒子產始
知然明注前年然明謂程鄭將死
知音鬱鬱閉佳城

西京雜記滕公駕至東都門馬以足跑地得石鄴
銘曰佳城鬱鬱三千年見白曰吁嗟滕公居此室勿以

匣中之明月計較糞上之朝榮
漢鄒陽傳明月之珠夜
光之璧朝榮謂朝菌也

莊子昔者義云朝菌天陰生糞上見日則死文
選樂府王明君辭昔為匣中玉今為糞上英
我去丘園

十年矣種桑可蠶犢生子使年七十今中半
山谷年二
十三治平

丁未擢進士第至熙寧丁巳七十將半矣寒山子詩
養得三將牛生得五犢子犢子又生兒積穀無窮已
安

能朝四暮三浪憂喜

莊子狙公賦茅曰朝三而暮四衆狙皆怒曰然則朝四而暮三衆狙

皆據席談經只強顏不安時論取譏彈

文選曹子建與楊德祖書僕嘗

好人譏彈其文有不善者應時改定

愛君草木同臭味頗似瓜葛相依攀

左傳襄八年季武子曰今譬于草木寡君在君君之臭味也又二十二年鄭公孫僞對曰謂我敝邑適在晉國

譬諸草木吾臭味也瓜葛見前注

我有仙方煮白石何時期君藍田山

神仙傳白石先生常煮白石為糧韋應物詩澗底束荆薪歸來煮白石杜詩云未試囊中餐玉法明朝且入藍

田山季預居長安每羨古人餐玉之法躬往藍田攻掘得若環璧雜器形者百餘椎為屑日服食之見魏書李

先傳

次韻无咎閻子常攜琴入村

達士寒餓古猶今

列子曰五情好惡古猶今也四體安危古猶今也世事苦樂古猶今也變易治

亂古猶今也

向來亦有子桑琴

莊子云子與與子桑友淋雨十日子與曰子桑殆病矣裹

飯而往食之至于桑之門則若歌若哭鼓琴曰父耶母耶天乎人乎有不任其聲

倚檻嘯歌非

寓淫

列女傳曰魯漆室女倚柱而嘯鄰人婦曰子欲嫁乎女曰吾憂魯君老而太子少也

伯牙山

高水深深

見前注

萬世丘壑一知音閻君七絃抱幽獨

抱獨

見前注

晁子為之梁父吟

梁父吟云步出城東門遙望瀟陰里里中有三墳累累正相似

問是誰家墳田疆古治氏力能排南山文可絕地紀一朝被謔言二挑殺三士誰能為此謀國相齊晏子嘗見

山谷爲此詩且跋云陳壽叙武侯躬耕隴畝好爲梁父吟語勢既不盡其意謂又失載此詩此蓋好簡之過余觀武侯此詩乃以曹公尊國穀楊修孔融荀彧耳既作此詩時時爲客歌之故云爾乎杜詩不阻蓬蒿與得兼梁父吟李太白詩予亦南陽子時爲梁父吟

天寒絡緯悲向壁

李白詩絡緯秋啼金井欄

微霜淒淒簾色寒謂蟋蟀居壁也

秋高風露聲入林

韓退

蟋蟀一名絡緯見炙數子雜錄

冷絲枯木拂朱網

見前注

十指乃能寫人心

村村繫鼓如鳴鼉

李斯書云建羣鳳之旗樹靈鼉之鼓上林賦建羣華之旗樹靈鼉之鼓

豆田見角穀成螺

許表氏詩畦中紅豆半垂角晉石崇及衛瓘傳皆言飯化爲螺此借用以

言穀成穀也

歲豐寒士亦把酒滿眼釘餽梨枣多

退之詩釘餽魚菜贍

晁家公子屢經過笑談與世殊曰科退之石鼓歌為文

章落落映晁董

左太冲詠史落落窮巷士杜甫元使君春陵序得結輩十數公落落然參

錯天下晁錯董仲舒

語句往往妙陰何

陰鏗何遜也杜詩頗學陰何苦用心

閻夫子

勿謂知人難使琴抑怨久不和明光畫開九門肅

漢武帝太

初四年起明光宮師古曰三輔黃圖云在城中老杜詩汝翁草光明

不令高才牛下歌

琴操曰寧戚飯牛車下叩牛角而商歌曰南山矸白石爛生不逢堯與舜裨短布單衣終至野長夜漫漫何時

旦齊桓公聞之舉以為相

定交詩二首效鮑明遠體呈晁无咎

以建除滿平定執破危成

收開開十二字冠為句首。建除體八音歌二十八宿歌皆北京教授時作已見前注李淑詩苑類

格云鮑照為此體十二韻

建酉金為政

謂八月左傳云今日之事我為政

搖落草木衰

宋玉九辨蕭瑟兮草

木搖落而變衰

除瓜隴畝淨邵平無米炊

見前注

滿家色藜藿

春秋

外傳云始見夫子有菜色今有芻藜之色

詩書不賙飢平生晁公子正用此

時來

後漢劉玄傳正用此時持事來乎

定交無一物秋月以為期

詩張揖子

無怨秋以為期

執持荆山璧

即和氏之玉

要我雕琢之破斧不能柯

邵風有破斧伐柯二柯

况乃玉無疵危冠論百揆

舜典納于百揆百揆時敘

樂奏四時成功彼有命用舍君自知收身渺江湖

退之詩收

身歸閬東期

歲時白鳥嬉

列子海上有
人從鷗鳥游

開徑蒲葦中

江淹

不到死迷

擬淵明詩開

倚鋤望君歸閉塞乃非道不才當爾為

月令

徑望三益

閉塞而成冬詩意謂深閉固拒而不出非道也顧
我不才自當如此耳文選王仲宣詩惜哉空爾為

建鼓求亡子

莊子大道篇又何偈偈乎揭仁義若擊鼓
而求亡子焉天運篇又奚惻然若負建鼓

而求亡子者耶

原非入耳歌

李陵答蘇武書云左右之人見陵
如此以為不入耳之歡退之秋懷

詩夜半

除去綠綺塵

綠綺琴見
放言注

水深山峩峩

伯牙鍾期
事見前注

滿堂悅秦聲

史記李斯上書曰擊甕叩鈺彈箏博解而
歌呼鳴鳴者真秦之聲也漢揚惲傳報孫

會宗書曰家本秦也能為
秦聲仰天拊缶而呼鳴嗚
君獨用此何平分感秋節
宋玉

九辯云皇天平分四
時兮踴獨悲此凜秋
空闊湛金波
漢禮樂志歌詠云月
穆穆以金波謝眺詩

金波麗
定夜百蟲息高論聽懸河
晉郭象傳王衍云飛
象語如懸河瀉水注

而不竭韓文公石鼓
歌願借辨口如懸河
執攬北斗柄斟酌四時和
漢天文志北斗

建四
破屋仰見星
神仙董奉傳大旱縣令見董君求雨
居曰雨易耳貧家屋皆見天如何令

曰祈雨當為屋乃運
竹木起屋成是夜大雨
得子喜且多危柱無安絃
柳子厚文

云心忤忤若
危柱之絃
野水自盈科
盈科而後
進見孟子
成道在禮樂成山

在丘阿收此桑榆景
後漢馮異傳失之東隅收
之桑榆東觀記收之桑榆
相從寄

琢磨

詩云如切如磋如琢如磨

開懷溟海闊百怪出蛟鼉

杜詩蛟鼉好為

崇

閉藏願自愛

月令云以助天地之閉藏

驚人取譴訶

一鳴驚人見史記譴訶及

細微見漢

薛宣傳

贈无咎八音歌

金馬避世客談諧玩漢朝

史記滑稽傳褚先生曰東方生名朔酒酣據地歌曰陸沈

于俗避世金馬門漢書朔贊云應諧似優又云依隱玩世

石門抱關人長往閉寂寥

論語憲問篇子路宿于石門晨門曰奚自子路曰自孔氏曰是知其不可而為之者與注云晨門關人蕭望之傳不肯碌碌反抱關為後漢逸民傳長往之執未殊杜詩知君此計成長往

絲蟲日夜織勞

苦則以食

符子曰公子重耳游于大澤之中見蜘蛛網曳絕執牙而食之顧舅犯曰此虫也德薄

臭而猶

竹生羅斧斤高林乃其賊鵲搏酌吾子雖陋意

不淺土德貴重遲水德貴深遠草能談鯢鵬晚乃得莊

周

列子湯問篇言殷湯問于夏革大鰲皆語怪也莊子首篇云湯之問棘也是已窮髮之北有冥海者天池

也有魚焉其廣數千里其名爲鯢有鳥焉其名爲鵬背若太山翼若垂天之雲詩意謂先有夏革之言而後莊

周有鯢鵬之論棘即草也

木雁兩不居相期無待遊

莊子曰山中之木以不材得終

其天年主人之雁以不材死莊子逍遙篇列子御風而行泠然善也此雖免乎行猶有所待者也若夫乘天地之正而御六氣之和彼且烏乎待哉

二十八宿歌贈別阮咎

類格不言二十八宿誰為此體得非始于山谷耶

虎剝文章犀解角

文子曰虎豹之文來射獲狄之捷來格犀亦有文義國東張儀說楚云獻

駭雞之犀食未下亢奇禍作婁敬傳無人關不攝其亢藥材

根氏懼斲掘

蟠木根柢見鄧陽傳

蜜蟲奪房抱飢渴有心無心材

慧死人言不如龜曳尾

莊子秋水篇楚有神龜死已三千歲矣王巾笥而藏之此龜者

寧其死為留骨而貴乎寧其生而曳尾于塗中乎

衛平哆口無南箕斗柄指日

江使噫

史記龜策傳江使神龜于河至于泉陽漁者豫且得之龜見夢于赤元王曰我為江使而豫且

得我元王召博士衛平而問之平曰南風新至江使先來斗柄指日使者當囚退之詩我生之辰月宿南斗牛

奮其角冀張其口言衛平張口如箕也小雅
巷伯哆兮今作兮成是南箕注哆大貌冒音反
孤腹牛衣

同一燠

世家簡子曰十羊之皮不如一狐之
腋漢王章傳疾病無被卧牛衣之中

高丘無女

甘獨宿

離騷經忽反顧以流涕兮哀高丘之無女

虛名挽人受實禍累基既

危安處我

荀息累十二基子加九卵于上
晉平公曰危哉見魏都賦注

室中疑塵散

髮坐

唐楊綰凝塵滿席文選張茂先詩云散髮
重陰下注遺鍾會遺榮賦云散髮相簪

四壁蠹

蠹見天下奎蹄曲隈取脂澤

莊子徐無鬼篇有濡需者
豕蟲也奎蹄曲隈乳間股

脚以自為
安室利處

婁豬艾豨彼何擇

左傳既定爾婁
豬盍歸吾艾豨

傾腸倒胃

得相知貫日食昂然不疑

漢鄧陽書昔荆軻慕燕丹之
義白虹貫日太子畏之衛先

生為秦畫長平之策太白食昂昭王疑古來畢命黃金

臺

曹子建表云量能而受爵者畢命之臣也文選放歌

南十八里燕昭王置千金于臺上以延天下之士杜詩

臺招邀

佩君一言等甯鱗

爾雅二曰靈龜注即今甯鱗龜也

月沒參橫

惜相違

柳子厚龍城錄開皇中趙師雄遷羅浮天寒曰暮憩于松間酒肆見一女子淡妝素服出迓師

雄與醉飲共寢但覺風寒相襲起視乃秋風金井梧桐

落

太白詩梧桐落金井一葉飛銀牀又曰金井雙梧桐

故人過半在鬼錄

文選魏文帝書

徐陳應劉一時俱逝

柳枝贈君當馬策

見前注

歲晏星回

觀盛德

月令星回于天歲且更始

張弓射雉武且力

晉陸雲傳荀隱字鳴鶴與雲會

張華坐抗手曰雲問陸士龍荀曰日下荀鳴鶴雲又曰既開青雲親白雉何不張爾弓挾爾矢隱曰本謂是雲

龍駢駢乃是山鹿野麋數微弩強是以發遲華大笑白鷗之翼沒江波


杜詩白鷗沒浩蕩

抽絃去軫君謂何

韓詩外傳孔子南遊有處子佩瑱而流者孔子抽琴去其軫以授子貢曰

善為之

詞云云



山谷外集詩注卷六